

墨

緣

彙

觀

錄

法書下卷目

南宋

高宗書蘇文忠地黃詩帖

孝宗政道帖 止盜帖

李綱被詔帖

趙鼎郡寄帖

韓世忠總領帖 運使帖

韓彥質良荷帖

胡安國稍疎奉問帖

吳說游絲書王荊公蘇文忠三詩 二事帖 昨

晚帖 敘慰帖

沈與求氣爽帖

蘇庠均休便道二帖

陳與義詠水仙花詩帖

汪藻違別滋久帖 嘉謨通判帖

蔣璨二詩帖

翟汝文宣撫帖

張九成問訊帖 宮詞帖

張綱乞授封號帖

張浚遠辱手翰帖

張孝祥關徹帖

朱敦儒塵勞帖

龍大淵歲華帖

洪遵睽遠許時帖

王之望通判學士帖

葉衡初冬帖

康與之宮使帖

虞允文適造帖

王十朋室銘帖

王淮上恩帖

汪應辰子東學士帖

范成大垂誨帖
荔酥沙魚帖

謝諤垂訪帖

朱熹賜書帖
教授學士帖

韓元吉晴寒帖

葉夢得閤下帖

吳琚觀率氏譜牒焦山題名二帖 壽父帖 真

報帖

楊萬里清和帖

陸游奏記帖 仲躬侍郎帖

樓鑰雨潤帖

洪咨夔抱病帖

魏了翁提刑提舉帖

喬行簡恐勤帖

張卽之書金剛經 上問帖 從者來歸帖 佛

遺教經

趙孟堅詩草

杜良臣勤顧帖

程元鳳提舉郎中帖

陸秀夫義山帖

文天祥上宏齋帖
書謝敬齋坐右自警辭

葛長庚足軒銘

宋賢十一帖

元

趙孟頫正書姑蘇元妙觀重脩三清殿記

陰符經 小楷清淨經 楷書汲黯傳 書稽

叔夜絕交書 書陶淵明歸去來辭 書陶靖

節飲酒詩 草書千字文 書韓昌黎和盧郎

中送盤谷子詩 書蘇東坡道場何山詩 國

寶帖 德俊茂才帖 進之帖 次山總管帖

明遠提舉帖 子方帖 靜心帖 與中峯十

一帖附管夫人與中峯一帖

趙雍書中峯淨土詩

趙麟衡唐帖

鮮于樞遊高亭山記 草書杜少陵茅屋爲秋風

所破歌

鄧文原清居院記

袁桷和一菴首坐四詩 雅譚帖

龔繡宣城詩 教授帖

郭畀四禽言詩帖

張淵詩帖

戴表元動靜帖

白珽陳君詩帖

揭傒斯雜詩

徐遜水調歌頭帖

康里巉巉書柳子厚謫龍說 梓入傳

貫小雲石海涯七言詩帖

虞集白雲法師帖

歐陽元爲黃巖王君伯春暉堂記

段天祐安和帖

楊維禎詩帖 書小遊仙辭序帖

俞和雜詩 留宿金粟寺詩帖

王蒙書杜工部詩帖

沈石詩簡帖

張暎與南屏徵君三詩帖

陸廣詩簡帖

非非雅波草書心經

饒介草書韓柳文 士行帖

張宣詩

陸居仁張樞倡和詩

道張雨并陸友合卷 次天鏡上人送柑二詩帖

行書七言詩

釋大訢和虞文靖三詩帖

七元人和陳惟寅姑蘇錢塘懷古詩

集元明人詩翰

明

朱克書杜工部枏木爲秋風所拔歎 兩得來書

帖

王彥強臨樂毅論

危素陳氏方寸樓記

周砥與雲林詩簡帖

宋廣草書李太白五言詩

宋璲端肅帖

解縉草書自作雜詩

王紱叔訓帖

沈度鏞翁大參帖

黃淮進朝帖

李東陽書種竹諸詩

吳寬書東坡詞 生子帖

劉珏玉田帖

姚綬書自作詠物詩

沈周遊虎邱各體詩 少宰帖

金琮別久帖

祝允明臨黃庭經 書米元章論書 正書子黃

子瑩中字訓

唐寅若容帖

文徵明四體千字文 雜花帖 晴明帖

王寵草書自作雜詩 石湖包山雜詩

豐坊臨右軍養生論

文彭臨蘭亭詩序

董其昌楷書彌陀經 臨晉唐法書 書晉唐諸

帖 臨虞永興徐季海書 臨唐人四家書

臨僧懷仁聖教序 臨李北海大照禪師塔銘

書蘇文忠烟江疊嶂歌 書蘇文忠和子由

論書詩 路馬湖記 楷書心經 書蘇玉局

詞

釋夷簡甘露帖

釋道衍寄東林詩

釋良琦答肅齋太守詩帖

釋德清詩帖 淨慈寺宗鏡堂記

墨揚

古揚開皇蘭亭序

定武五字不損蘭亭序

定武五字損本蘭亭序

定武五字損本蘭亭序

宋楊宣城本蘭亭序

宋楊褚摹蘭亭序

宋楊玉枕蘭亭序

宋楊范度書蘭亭序

唐刻歐陽詢化度寺塔銘

唐刻柳公權神策軍紀聖德碑

法書續錄

附後

墨緣彙觀錄卷二

法書下

南宋

高宗書蘇文忠地黃詩帖

白紙本行楷九行筆法豐潤秀逸字字臻妙帖後押
丙午二字朱文連珠印並朱文御書之印

孝宗政道帖

白紙本行楷九行類高宗書後書賜曾覿上蓋朱文

御書之寶帖右有五雲山林宗周二印後紙曾覲一
跋款八月十六日中大夫祕書監丞兼左諫議臣曾
覲記上蓋朱文曾氏覲印

止盜帖

牙色紙本正書十六行雖法高宗體類鍾元常前有
林字一印右下角押林字小長印後鈐林氏半印三
印皆朱文

李綱被詔帖

淡黃紙本行書十三行前書綱再拜近被御筆詔書

以向條具邊防利害特加見諭上恩隆厚何以克當
後書如得妙句爲林下之光幸甚甚綱再拜帖有李
氏二印

趙鼎郡寄帖

白紙本正書十二行全學顏書前書鼎以罪名至重
不敢復當郡寄後書右謹具呈伏候鈞旨八月日特
進知泉州軍州事趙鼎劄子帖前下角有沈周寶玩
朱文印後有吳沈氏有竹庄圖書及槁李李氏二印
韓世忠總領帖

白紙本行楷書十一行前書世忠咨目再拜啓總領
少卿台座後書謹上狀不宣世忠咨目再拜啓總領
少卿台座帖前有半鈐貞元朱文印曾經王元美家
藏者

運使帖

淡牙色紙本行楷書六行前書世忠咨目頓首啓運
使直閣侍史後亦書世忠咨目頓首啓運使直閣侍
史此帖爲撥兌官兵所用錢三十萬貫內有屠姓二
印

韓彥質良荷帖

淡牙色紙本行草八行前書彥質啓承書良荷至意
後書彥質頓首知縣宣教帖有朱文天水郡圖書印
及北燕張氏寶藏朱文印項氏收藏印

胡安國稍疎奉問帖

粉花白紙本行書十一行前書安國頓首稍疎奉問
但企仰不忘爾後書安國再拜伯高太博尊兄閣下
帖經項氏收藏

吳說游絲書王荆公蘇文忠三詩卷

白紙本游絲書王荊公柳葉鳴蜩綠暗六言詩二首
蘇文忠和荊公一首字大寸半卷前首押二舊印下
一葫蘆印又鼎式二印其文模糊不能全辨詩後有
白文吳說私印三吳吳說章朱文印延陵君子後裔
說章白文印及書帷董史祕貺等印後傳朋白書長
歌一篇前題上饒使君郎中游絲書歌其文君不見
往時文學顧八分中郎之後典刑存又不見先朝文
惠書堆墨寶殿濃雲照南北未似只今上饒守靜寫
游絲不停手非煙非雲斷復續緩步除行不拘束斷

崖一落千丈滑遠望筆行如一髮鬼神竭力覷不見
鐵礦消亡鋼作線線舞飛揚不自由縱橫自在勝銀
鉤知君此意非安排妙處不從筆下來心凝神釋萬
事去信手却立無纖埃滿堂迴頭莫見猜我自悟此
忘胸懷操舟相馬在事外顏氏識此由心齋如君下
筆少有意錦繡甯不悞翦裁君惟無心故若此秋豪
自足纏風雷鍾王斂手謝不敏長史懷素慙衰頽病
夫一見心眼開向來窮愁安在哉此歌以前行書二
十五行後又小行楷八行跋云直學士院紫微舍人

東萊呂公爲說作此詩後二十許日公捐館舍此殆其絕筆也公之句如槃中走丸如地中行水雜之少陵詩編中未易議優劣也其季偉信見屬寫本因題其後紹興十五年歲在乙丑十月旣望錢塘吳說下押吳說白文印後有董史祕旣及鼎爵爐瓶式八印按說宋紹興中稱善書者爲第一更精於楷書凡所見者多行書小楷惟見定武蘭亭一跋姿媚適勁秀逸特出其草書則未之見此書筆畫細如毫髮全作草體每行一筆直書連綿不斷轉折閒架疎密得宜

雖具縱橫飄揚之勢不踰規矩之外考古雖有此法
後皆無傳想見傅朋之苦心非爲傳奇欲使後學知
其所謂正鋒者如是用筆也惜乎世不多見相傳明
季崑山黃應龍家藏有吳傅朋游絲書又按鐵網珊
瑚載傅朋有游絲書七律三首款紹興戊辰歲十月
十三日書於雙港者

二事帖

淡牙色紙本行楷相閒十八行甚佳前書說皇恐再
拜上覆前日匆匆請違門下有二事失於面稟後書

說皇恐再拜上覆未有歐陽元白文印帖經項氏收
藏

昨晚帖

牙色紙本行書九行用筆結體字字精妙前書說頓
首再拜昨晚特枉誨翰適赴食歸已暮不卽裁報皇
恐皇恐後書說頓首再拜御帶觀察尊親侍史帖前
上角押一舊印莫辨下有清白傳家朱文印後有一
朱文舊印下角押縉雲葉氏朱文大印

敘慰帖

牙色紙本行書八行前書說頓首上啓區區敘慰已
具右疏卽日凝凜不審孝履何似後書說頓首上啓
大孝宣教苦次帖前有十二兩字係編號又項氏黃
氏並易菴圖書楊嘉等印

沈與求氣爽帖

淡黃紙本行書八行前書與求頓首上子明知府侍
郎親家台席秋高氣爽伏惟台候勝常後書與求頓
首上子明知府侍郎親家台席帖前半鈐腰元大印
及王氏貞元朱文連珠印

蘇庠均休便道二帖冊

二帖俱短札淡黃紙本前一帖小行草六行書庠再拜上問尊夫人卽日共惟壽體益康甯門中上下均休老媳婦輩敢拜起居山中有委萬萬疏示庠再拜帖後下角有文石子白文印後一帖小行草七行書門中伏惟萬福妻子輒拜起居之禮必恭已行否或面留告道區區之意山中雖荒索然歸金壇亦便道也儻蒙肯賜屈辱不勝至幸庠再拜帖前下角有半鈐閣印二字白文印後有宋人諸跋惟徐詡蘇嶠二

跋宜配此帖別者非原跋也帖有項氏收藏印按鐵網珊瑚此冊前有七言絕句二詩簡今已無存

陳與義詠水仙花詩帖

牙色紙本行書六行前二行書詠水仙花書呈幸光
和與義上其詩仙人綉色裘縞衣以謁之青悅紛委
地獨立東風時吹香洞庭暖弄影清晝遲萬里北渚
雲亭亭竟何思唯應園中客能賦會真詩帖前下角
有一白文舊印不能辨

江藻遶別滋久帖

淡牙色紙本行書十一行類米書前書藻咨目頓首
再拜上啓太虛判院朝議台座違別滋久瞻仰殊深
後書藻咨目頓首再拜上啓太虛判院朝議台座帖
前有王氏貞元朱文連珠半印

嘉謨通判帖

白紙本行書七行前書藻頓首再拜上啓嘉謨通判
朝奉賢友後書藻頓首再拜上啓嘉謨通判奉議賢
友下有忠徹朱文印末角有朱文清森閣書畫印何
氏元朗白文印項氏曾收

蔣璨二詩帖

淡黃紙本行楷書十九行前七律二首詩內注有小
字四行後自題云沖寂觀去南莊數里肇建於有唐
逮今數百年中間衰弊吾家曾祖太傅公爲司出納
且主盟興起之相繼累世不墜兵火之後殿宇久廢
弗理房舍荒寂璨今再至不勝感歎故作二詩紹興
甲子季秋乙亥蔣璨拜呈帖前押貞元朱文連珠半
印

翟汝文宣撫帖

白紙本行楷書十行用筆類蘇文忠前書汝文頓首
再拜宣撫觀文僕射相公鈞座去違左右有年數矣
後書汝文頓首再拜宣撫觀文僕射相公鈞座帖前
下角押珍繪堂記朱文印

張九成問訊帖

淡黃紙本行草書六行前書九成再拜荒谿已還舊
寓今日遣書言問訊矣末書九成再拜帖下角有
珍繪堂記朱文印

宮祠帖

牙色紙本行草書九行前書九成再拜聞宮祠已滿
且復有瘡瘍之苦後書九成再拜

張綱乞授封號帖

白紙本行楷書十三行前書綱比以小兒堅乞回授
封號事後書右謹具呈資政殿學士左太

兼考刊中
大字

大夫致仕張綱劄子帖前有貞元朱文連珠印浦江
旌表孝義鄭氏朱文印清源王孫白文印政和弼亮
元儒潛藩舊德太宰正獻之裔朱文印後有畏齋朱
文葫蘆印及何處恬智夫圖書珍玩何氏家藏二白

文印

張浚遠辱手翰帖

牙色紙本行書十一行前書浚再啓遠辱手翰良佩
勤厚後書浚再啓

張孝祥關徹帖

白紙本行書十一行前書孝祥拜覆後書孝祥拜覆
姨夫判府留守待制侍郎台坐帖前有貞元朱文連
珠印下有浦江旌表孝義鄭氏朱文印後有甲辰二
字朱文葫蘆印

朱敦儒磨勞帖

牙色紙本行草書十一行前書敦儒再拜後書臨書
神馳敦儒再拜末角押半鈐一印內有項氏諸印

龍大淵歲華帖

白紙本行書十二行前書大淵竊以歲華將暮後書
右謹具呈十二月日昭慶軍承宣使知閣門事兩淮
撫諭龍大淵劄

洪遵睽遠許時帖

淡黃紙本行楷書九行前書遵頓首再拜睽遠許時

可量向仰之悰後書遵頓首再拜

王之望通判學士帖

淡黃紙本行草書十五行前十一行前書之望頓首
再拜季思通判學士尊親台座後亦書之望頓首再
拜季思通判學士尊親台座後四行書九嬭以次均
休百一哥妹比方進茂老妻兒女比問有妾無外服
餌藥須面見方傳

葉衡初冬帖

白紙本行書八行前書衡悚息啓縣尉奉議後書衡

懷息啓縣尉奉議侍史前邊紙有貞元連珠印

康與之宮使帖

牙色紙本行書十三行前書與之上覆宮使尙書先生台席與之違去門下忽將兩月後書與之上覆宮使尙書先生台席謹空帖前有五字編號及項氏黃氏藏印又有關內侯印楊嘉壺中丹室易菴圖書四白文印

虞允文適造帖

白紙本行書十五行結字兼具隸體前書允文適造

見後書右謹具呈九月二十八日允文劄子帖前有
貞元連珠印後接紙虞堪一跋謂丞相手澤得之于
黃舜臣名夔先生家藏時至正二十五年七月六日
也嗣孫堪謹識

王十朋室銘帖

白紙本行草書廿九行前書十朋伏蒙寵示室銘後
書右謹具呈左奉議郎充集英殿修撰權發遣饒州
軍州事王十朋劄子帖有貞元連珠印并浦江旌表
孝義鄭氏印

王淮
白紙本行書九行前書淮竢罪機廷每慙無補後書
右謹具呈中大夫參知政事王淮劄子帖前有正獻
之後清源王孫何氏鄭氏貞元等印後有畏齋何氏
二印

汪應辰子東學士帖

淡黃紙本行草書九行前書應辰頓首再拜後書應
辰頓首再拜子東學士丈

范成大垂詢帖

白粉蠟紙本草書十六行前書成大向蒙垂誨後書成大再拜帖經項墨林收藏何良俊陳定等印

荔酥沙魚帖

白紙本草書九行前書成大頓首再拜爲寄荔酥沙魚極荷軫記後書成大頓首再拜帖經孫退谷侍郎收藏

謝謬垂訪帖

白紙本行書十三行前書謬昨日承垂訪後書右謹具呈益夫宣敎舊友三月日朝散郎試右諫議大夫

謝謬劄子帖有壬午連珠朱文印吳興連珠朱文印
西碧山房王濟賞鑒過物印以及項氏李氏何氏王
濟鑒過等印後有滁陽屠氏琴式一印後有四字編
號

朱熹賜書帖

白紙本行書十行前書熹昨蒙賜書感慰之劇偶有
小職事當至餘姚後書右謹具呈提舉中大契丈台
坐六月日宣教郎直祕閣提舉兩浙東路常平茶鹽
公事朱熹劄子帖經項氏收藏前有五字編號

教授學士帖

淡黃紙本行草十七行前書正月卅日熹頓首再拜
教授學士契兄末書熹頓首再拜帖前下角有珍繪
堂記朱文印

韓元吉晴寒帖

淡黃紙本行書八行前書元吉頓首上覆伏奉手教
欣審晴寒台候萬福後書元吉頓首上覆司馬朝議
二兄台坐帖有宏氏珍玩白文印及項氏收藏印

葉夢得閤下帖

白紙本行楷十六行前書夢得再拜上啓閣下偉業
宏林先帝所識擢誠心一德主上所注倚後書夢得
再拜上啓帖前下角有珍繪堂記朱文印以及嘉禾
曹氏印

吳琚觀李氏譜牒焦山題名二帖

淡牙色紙本二帖共一紙全法米書前帖行書六行
書祀宋文獻不足而禮無所取證先聖憫之今觀唐
李氏譜牒命誥宛然具存迺知來裔善守其家者如
此攬卷爲之三歎時淳熙歲丙午中秋後四日書于

淮東總餉官舍延陵吳琚九月廿六日下押川壑
人白文大印後帖行書六行前題焦山題名四字
延陵吳居父解組襄陽汝陰孟子開臨邛常叔度皆
一時秩滿聯舟東下泊紫金山越三日來浮玉觀新
建飛仙亭又三月絕江而南紹熙辛亥季秋丙寅題
下押川壑主人白文印

壽文帖

白紙本草書十六行初視之以爲米書見款始知爲
雪壑得意書快雪堂曾經入石

稟報帖

白紙本行草十二行前書琚伏自廿二日具稟報之後深慮旨揮未到勢不容留後書琚皇恐拜覆觀使開府相公尊兄鈞席帖有屠氏二印

楊萬里清和帖

白紙本草書十四行前書萬里伏以首夏清和後書右謹具呈四月廿二日朝請郎守尚書左司郎中兼太子侍讀楊萬里劄子末角押宣和書學博士江南徐氏仍孫朱文大印

陸游奏記帖

白紙本草書二十一行前書游近者奏記方以草率
爲愧末書朝諫大夫權知嚴州軍州事陸游劄子帖
前下角有朱文珍繪堂記一印

仲躬侍郎帖

白紙本行草書二十行前書游頓首再拜上啓仲躬
侍郎老兄台座後書游頓首再拜上啓正月十六日
樓鑰兩潤帖

白紙本行書十九行前書鑰泣血再拜上啓叔清宣

教親契兄坐前梅天雨潤伏惟聖室有棣華之福
後書鑰泣血再拜上啓叔清宣教親契兄坐前帖前
有朱文貞元連珠印後角朱文柯氏敬仲半印

洪咨夔抱病帖

淡牙色紙本行草書十六行前書咨夔別後無日不
病抱病應酬病愈甚猿鶴入夢屢矣後書六月八日
咨夔皇恐上記舟公堂頭禪師佳茗多感香杏仁一
包試參之咨夔帖前下角有何氏元朗白文印失橫
用後有朱文清森閣書畫印何氏元朗白文印及項

氏收藏印有二字編號

魏了翁提刑提舉帖

白紙本行草書二十七行前書提刑提舉親家尊眷
丈後書了翁頓首再拜狀上機宜大孝賢伯仲姻兄
服次十一月十七日帖前有白文關內侯印朱文連
珠貞元印後有滕國文獻易菴圖書二白文印帖經
黃休伯家藏

喬行簡恐勤帖

白紙本行書十二行前書行簡恐勤梁報不敢覲縷

少意拜稟後書右謹具呈十一月日少傅平章軍國
重事益國公喬行簡劄子帖有嘉禾曹氏收藏印

張卽之書金剛經冊

白紙本摺裱六十八頁行書大五分許宗顏法首書
金剛般若波羅蜜經後自題樗寮卽之七十八歲喜
再逢佛誕以天台教宗印講主所校本敬寫此經遺
天竺靈山志覺上人受持讀誦我願執情不作常觀
般若六如覺性永明共悟實相本體流通利益均及
有情時景定四年歲次癸亥後有陳鑒題識項子京

小字二行記得於吳趨陸氏又曹函光三跋內有項氏諸印

上問帖

牙色印花粉箋本行草書十行前書卽之上問尊堂太安人壽履康甯後書卽之上問此紙快雪堂曾刻從者來歸帖

牙色印花紙本行草書十四行前書卽之適閒伏聞從者來歸喜欲起舞後書卽之拜稟殿元學士尊親契兄台坐染物甚佳帖經項氏所藏

佛遺教經卷

白紙本高九寸五分長二丈五尺七寸餘烏絲隔界
行書大五分許較金剛經更爲精美首書佛遺教經
後書張卽之七十歲寫寶祐三年夏至日後有文嘉
朱之蕃跋

趙孟堅詩草卷

白紙本高一尺長一丈八尺八寸行書字大寸半筆
法飄逸生平所見彝齋妙跡以此爲最前題送上馬
嬌圖與賈秋壑後書詩一首二鼠歎一首三牆頭花

一首^四繁昌官舍行一首^五惜補之梅於君謨弟一

首後自題十六行云寶祐甲寅十一月廿八日午睡起忽有持此帋來者因爲書舊詩數首用吳昇玉簪筆唐端石執硯自好漫耳觀者未知謂何如也三十年臨池所得僅爾益信翰墨非易事天與分數限量更欲有加不可它時或更進視此當一笑或流落箱笥閒爲吾愛存之無忽彝齋居士趙孟堅子固記後子固三印內二印模糊不能全辨卷尾題有至治壬戌之秋九月旣望四明東發後人黃正孫敬觀末書

真道二字押朱文一印文不能辨下有雲根碧澗半
鈐朱文印後紙有趙孟荐長跋蘇昌齡詩題又宣德
間人一跋考據甚詳系歌一篇後書宣德壬子歲中
秋節不款或被割截深可惜耳

杜良臣勤顧帖

黃色研花蠟紙本行草書十三行前書良臣連日荷
勤顧老親昨日暑中令閤嬈嬈仍勞遠出尤感感後
書良臣啓仲一哥新恩內除賢弟帖前有朱文吳興
連珠印王濟賞鑒過物朱文印後有朱文清心閣書

畫印何氏元朗王濟鑒過西碧山房三白文印及五
字編號項氏收藏印

程元鳳提舉郎中帖

白紙本行書十二行前書元鳳皇恐拜稟提舉郎中
後書右謹具拜呈寅月日金紫光祿大夫右丞相兼
樞密使程元鳳劄子又外封裝帖前正書字大八分
許上書劄子拜呈提舉洪金紫光祿大夫右丞相兼
樞密使程元鳳謹封元鳳二字上蓋元鳳朱文印又
行書辭楮局回劄五字帖經嘉禾曹氏收藏

陸秀夫義山帖

牙色印花紙本行草書十二行前書秀夫拜覆義山
尊兄長坐前後書蠲縑紙就覓一幅欲作籤題干煩
皇恐秀夫帖有京口郭景星白文印義山父曹氏寶
藏朱文印後胡長孺仇山村二跋

文天祥上宏齋帖

白紙本行草書五十三行前天祥皇恩頓首

下模糊三字

申侍讀尚書宏齋先生台坐後書右謹具申正月日
承心制文天祥劄子後有李時勉一跋帖經項氏收

藏有詩字編號

書謝敬齋坐右自警辭卷

白紙本高一尺一寸長九尺九寸草書字有大寸許及二寸許者筆法清勁縱任不苟其辭周公謂魯公曰君子不弛其親不使大臣怨乎不以故舊無大故則不棄也孔子曰君子篤於親則民興於仁故舊不遺則民不偷周公傳國孔子立言懇懇於親戚故舊者皆所以厚風俗善教化也世遠人亡經殘教弛漢蘇章爲刺史行部有故人爲清河太守設酒餽陳平

生之好甚歡乃曰今日故人飲酒私恩也明日刺
案事公法也不知太守謂誰厥罪惟何觀其一天二
天之說是必巧言令色之鮮仁而非直諒多聞之三
益也然既與之有平生故舊適然相逢亦當忠告善
道委曲勸免使之誨過遷善或使之自作進退何乃
待之以酒杯加之以刑責蓋賣友買直釣名干進爾
而論章者多亦不復用然則何益哉世變愈下人心
愈非至唐韓子則歎有反眼下石爲禽獸之所不爲
者宋蘇子則謂爭半年磨勘雖殺人亦爲之者觀韓

蘇之言則蘇章酒杯慙慙之歎亦無之矣周孔垂訓
必歸之成德君子有旨哉辭後自題二十七行云右
敬齋謝先生座右自警之辭人之所以爲人者以有
人倫也朋友居人倫之一其視君臣父子兄弟夫婦
雖其情禮有隆殺而義之所起皆天性之不能自己
者惟其出于天性是以均爲人道之大端親者無失
其爲親故者無失其爲故各盡其分所以爲人也自
漢蘇章有刺史故人私恩公法之語世以爲固然而
莫知其非傳爲故實流俗雷同千餘年于此先生本

之人心按之經義用春秋誅心之法以責友實直釣
名干進以發其微於是知章之不可干以私乃自私
之尤者也正使當時繇是而爲公爲卿外物之得會
何足以救本心之失況不必得乎語曰觀過斯知仁
矣先儒謂君子過于厚小人過于薄章不足云也先
生之論足以樹大倫敦薄夫拯來學之汨溺而歸之
正先生真仁人哉咸淳癸酉六月吉日後學文天祥
書下押文氏天祥朱文印後王伯厚行楷書題十二
行又蔣岬萬韞輝邾衡廖駒程啓充爲其謝氏後人

題跋卷末謝源小楷書渠遠祖敬齋行實書法鍾太
傅

葛長庚足軒銘卷

牙色紙本高九寸七分長二尺四寸行草書三十三
行書法晉人前書寄題足軒奉似吾友周栗長高主
紫清白玉蟾後書七言長篇一首其韻通篇全用足
字本文紙後虞伯生題七言絕句一首款虞翁生題
下押虞伯生朱文二印後有項墨林題識及項氏諸
印

宋賢十一帖冊

葉清臣近遣帖

粉花白紙本行書十三行前書清臣啓近遣一幹隨
府伉持書并錄覽二書同詣鈐下計已呈露後書清
臣頓首五月十八日

章衡承示帖

白紙本行書九行前書承示諭張恢者後書衡悚息
未有朱文半印

蔣之奇遂往去濟帖

白紙本行草書十一行前書之奇啓知遂往法濟不
勝依依後書弟之奇再拜九兄知府郎中

達七月帖

白紙本行書十行法顏魯公前書達啓辱七月五日
賜敎承已西上今想對還當有休嘉也後書達上穎
叔制置大夫閣下八月六日按達不知何許人宋有
劉達勸徽宗碎元祐黨籍碑此札與蔣之奇者以時
考之或卽其人也

林希前日帖

淡牙色紙本行書十一行前書希啓前日辱出臨感
刻感刻後書希頓首完夫府判朝奉學士兄十四日
葉夢得人至帖

淡黃紙本行書十行字大六分及寸許者筆勢豪放
前書夢得叩頭人至辱教示審聞頓膺動止安健良
深慰荷後書夢得叩頭季高貢元親契

劉燾昨夕帖

畫花白粉箋本行書九行前書燾再拜昨夕幸得侍
坐後書燾再拜五伯父大夫伯母縣君坐前

林攄承誨帖

白紙本行書十行法蔡元長字大寸許前書攄頓首
啓此不承誨下情渴仰知數辱顧訪皆失迎對但深
愧感後書攄再拜右司彥和尊兄座前

周邦彥前日帖

白紙本行書五行字大寸許前書邦彥頓首啓前日
特辱降顧閒冷之中倍增感激後書邦彥頓首啓

吳說門內帖

牙色紙本行草書十四行用筆清健兼有游絲法前

書說拜問門內眷聚伏想長少均協多慶後書說拜
問帖爲元石民瞻所藏

葉適牡丹詩帖

粉花白紙本正書七行法蔡忠惠前書前日入寺觀
牡丹不覺已謝惜其穠豔故以詩悼之敢冀見和適
上後書五言古詩一首考此冊本十七帖後有王穉
登曹函光二跋今存十一王跋內七字改爲一字爲
粥者去其六帖余幸又見張天覺女夫帖煜久疎帖
韓良臣近問帖吳居父稟報帖此四帖已錄於前所

有宋宣獻一帖青谷德止一帖及曹跋未知歸於何
所是冊每幅皆有屠氏印章

元

趙孟頫正書姑蘇元妙觀重脩三清殿記卷

白紙本烏絲隔欄正書八十二行字大經寸筆法雄
偉觀之令人駭然文敏碑書中第一傑作也明晉府
諸印糾紅奪目首書元妙觀重脩三清殿記後書十
月旣望前朝奉大夫牟巖記集賢直學士朝列大夫
行江浙等處儒學提舉趙孟頫書并篆篆額德七年

日日住持曹良璋步日昇張善淵立石卷前碑額文
敏篆元妙觀重修三清殿之記字大四寸許後紙陳
眉公跋云賞鑒家謂元妙觀碑酷似李北海岳麓碑
若見蘇靈芝鐵佛寺刻彌見松雪翁書學來歷此卷
精彩可照四裔更勝吾松亭林碑也陳繼儒題

楷書陰符經卷

白宋紙短卷楷書二十二行筆法妍媚視久愈無窮
盡書法之妙如此首書陰符經上角有朱文半印難
辨下角鈐朱文子順半印款書子昂二字下押趙氏

子昂朱文印後上角鈐姚氏朱文半印後有姚子敬
錢德鈞黃仲圭三跋皆元人末董文敏一跋雖真非
原題卷經項氏收藏

小楷書清淨經卷

絹本如新小楷字大三分許沈著端嚴體勢裕如可
稱極品首書太上老君說常清淨經文內永字避諱
不克考後款水精宮道人書下押趙氏子昂松雪齋
二朱文印後康里子山一跋行書十四行字大經寸
書法亦精款至正四年五月十六日題於杭州河南

王第之西樓康里巒識下押子山正齋恕叟一失之
印觀此卷必有老子畫像後水精宮道人書之書字
似畫字改者然子山跋語未及之

楷書汲黯傳卷

淡黃藏經紙本烏絲界欄楷書法唐人清勁秀逸超
然絕俗公書之最佳者首書漢汲黯傳上押趙字朱
文印下角有大雅朱文印此傳至夫以大將軍有揖
客後闕十二行文衡山補至率眾來止後書延祐七
年九月十三日吳興趙孟頫手鈔此傳于松雪齋此

刻有唐人之遺風余彷彿得其筆意如此下押趙氏
子昂朱文印後文衡山小楷書十二行跋於藏經紙
上款辛丑六月既望文徵明書時年七十有二下押
徵明二字小連珠朱文印卷有項氏收藏印及寅叔
完齋笄氏李氏等印維楊李書樓已經刻石

書嵇叔夜絕交書卷

元黃色紙本烏絲界欄行書一百二十七行字五分
許全法右軍公之得意書也前書嵇叔夜與山巨源
絕交書上押趙字朱文印下角押鷗波連珠朱文印

文後嵇康白下押朱文天水郡圖書印款延祐七年
二月十九日書于松雪齋子昂下押趙氏子昂松雪
齋二朱文印末角半鈐朱文小封字印前後有沈氏
等收藏印後有張羽胡儼林慈王英鄒緝陸深等題
按陸跋云卷中題者凡十一人內有十人皆爲夏忠
靖元吉所題今已失其六題必鬻者割去別裝他卷
余見趙文敏所書絕交書凡三本一孫退谷侍郎所
藏本今在梁氏一平湖高氏綠絹本俱不及此卷

書陶淵明歸去來辭卷

白宋紙本行書二十九行字七分許本體書筆法潤
秀前押白文陳字半印又白文顏字半印有舉字編
號首書歸去來三字辭後款書至大二年冬十二月
十三日書於松雪齋子昂下押趙氏子昂朱文印後
白描淵明曳杖而行一童子負壺攜書卷隨後畫法
吳道子雖李龍眠不能勝此後倪中錢惟善趙俶陳
彥博鮑恂錢鈞周鼎儲巵題識周跋云有渠先大父
丁丑小識二十三字今卷中已闕此卷經文衡山項

墨林收藏

書陶靖節飲酒詩

白宋紙本書淵明秋菊有佳色五言一首行書六行
字大寸餘筆法蒼古深有二王風度款子昂下押趙
氏子昂朱文印後虞伯生隸書一跋云我朝書法當
以松雪齋書爲第一今觀所書陶靖節詩筆力痛快
無一點塵俗氣繼羲獻之後者其在斯人與烏乎主
人爲予寶之蜀人虞集

草書千字文卷

白宋紙本烏絲界欄草書一百三行首書草書千文

上角押趙字朱文印下角有大雅朱文印次行書梁
員外散騎侍郎周興嗣次韻上有朱文墨妙二字連
珠印此書體勢圓熟轉折峻峭而兼章草雖宗智永
與往昔所見迥別乃公之變筆也評者謂文敏天資
既高學力淵深未有不神而化者此卷良是後款子
昂下押趙氏子昂松雪齋二朱文印上角有朱文松
雪齋圖書印後柳貫大草書長跋余向見真草千文
一卷有丁元吉張東海周天球等跋者酷似永師然
不及此卷又六體千文一卷泰興李氏藏本白朱紙

書非魏公眞蹟類俞紫芝

書韓昌黎和盧郎中送盤谷子詩

白宋紙本行書二十四行字大八分許法李北海後
款子昂下押趙氏子昂松雪齋二朱文印前下角有
朱文一印

書蘇東坡道場何山詩

牙色宋紙本行書十七行本體書筆法精妙前上角
押朱文趙字圓印有惶字編號下角押大雅朱文印
詩後自題云吾長兄之孫頗好學性亦馴謹時時來

從吾求書意甚嘉之因其求寫此篇遂書與之款子
昂下押趙氏子昂朱文印帖前押師臣白文印卷經
項氏收藏

國賓帖

藍箋本行書共三十五行筆法流利前書孟頫頓首
國賓山長學士友愛足下後書閏月一日孟頫再拜
孟頫二字上蓋朱文趙孟頫印末二行書烏雞不
者求一二對作種無則已之帖內空紙處小行
書老婦附承堂上安人動履外封裝帖後上

再拜復國賓山長友愛足下趙孟頫謹封上蓋朱文
趙孟頫印

德俊茂才帖

元淡黃紙本行書十七行前書孟頫頫首德俊茂才
友愛足下後書孟頫記事頫首下押趙氏子昂朱文
印五月十七日帖後外記書記事奉復德俊茂才友愛
足下趙孟頫就封孟頫二字上蓋趙氏子昂朱文印
帖經項氏收藏末有二字編號

進之帖

元黃紙本行書十七行前書孟頫頫首進之足下後
書阜斜皮靴若已辦乞令萬八送至爲感孟頫頫首
前空紙處小行書續書萬八來時望於養齋處贖來
復丹蘇合香丸各數貼陳居士消風散數貼轉頫王
成之於沈鑄處討漢壺葉蘭坡處討琴帖經項氏收
藏末有三字編號

次山總管帖

白宋紙本行書十三行筆法峭拔公之合書也前書
孟頫再拜次山總管仁弟足下後書正月十九日孟

頰再拜外封裝帖後上書記事再拜次山總管仁弟
足下孟頫謹封上蓋趙氏子昂朱文印封右又小行
書續云皮帽一枚同往帖經項氏收藏

明遠提舉帖

元黃紙本行書七行筆法精謹著意之作前書孟頫
頰首明遠提舉賢弟後書三月八日孟頫上覆

子方帖

白宋紙本行書八行字大經寸書法晉人前書昨日
甚望足下過此而竟不來何耶後書孟頫再拜子方

協律仁友足下孟頫二字上蓋朱文趙孟頫印項氏
收藏

靜心帖

白宋紙本行草書八行前書孟頫頤首再拜靜心相
幹心契足下後書孟頫頤首再拜外封裝帖後上書
記事頤首再拜靜心相幹足下趙孟頫謹封孟頫二
字上蓋朱文趙孟頫印帖內有遲陵連珠印吳國用
印瑩之半印三印皆朱文經項氏收藏
與中峯十一帖附管夫人與中峯一帖冊

歸自吳門帖

粉蠟箋本行書共十九行項氏凋字編號前有白文
文徵明印衡山朱文印外封首書中峯和上吾師侍
者孟頫和南謹封孟頫二字上蓋朱文趙孟頫印本
帖前書孟頫和南拜覆中峯和上吾師侍者孟頫歸
自吳門得所惠字審道體安隱深慰下情後書弟子
趙孟頫和南拜覆後四行續書月師云吾師近到弊
舍而弟子偶過吳門不得一見不勝悵然下押文壽
承氏朱文印三橋居士白文印後有文衡山鈐縫二

印

每蒙尊者帖

淡黃紙本行草書共十九行前有文衡山鈐縫二印
外封首書中峯和上老師侍者弟子趙孟頫再拜謹
封孟頫二字上蓋趙孟頫印本帖前書孟頫和南再
拜中峯和上老師侍者孟頫汨汨俗塵中每蒙尊者
不棄時時賜問顧惟何者乃辱過愛如此當亦是前
世有緣故耶後書孟頫和南再拜廿四日後三行續
書良侍者前蒙惠藥甚濟所乏冀爲道謝下押白文

文彭之印

自山上來帖

白紙本行書十八行前有文衡山二印紙邊下角有文壽承氏朱文半印外封首書手書和南拜上中峯大和上老師侍者弟子趙孟頫謹封本帖前書弟子趙孟頫和南拜覆中峯和上老師侍者近數有人自山上來知道體安隱慰不可言後書弟子趙孟頫和南和南六月廿一日末角有文壽承氏朱文半印得旨還南帖

白紙本行草書二十行前有文衡山二印外封首書
中峯和上老師弟子趙孟頫和南再拜謹封本帖前
書弟子趙孟頫和南上記中峯和上老師侍者孟頫
得旨南還何圖病妻道卒哀痛之極不如無生後書
弟子趙孟頫和南上記六月十二日末角有文彭白
文半印

如在醉夢帖

白紙本行草書二十二行前有文衡山二印紙邊下
角半鈐文彭之印白文印外封首書和南拜覆中峯

如對頂相帖

四世家範現象卷二

者以中來得兩書披讀如對頂相感激慈念不覺淚
流後書弟子趙孟頫和南再拜中峯和上老師侍者
下押白文文彭之印

以中還山帖

白紙本行草書二十行前有文衡山二印紙邊下角
鈐白文居士半印外封首書中峯大和上老師弟子
趙孟頫和南拜上謹封本帖前書弟子趙孟頫和南
再拜中峯大和上老師侍者昨以中還山草草具字
陳敘下情茲承嘉上人下訪特蒙惠書審卽日道體

勝常深用爲慰後書孟頫和南再拜中峯大和上老
師侍者廿三日再拜二字下有文壽承氏朱文印

千江入城帖

白紙本行草書二十二行前有衡山朱文印白文文
彭之印紙邊半鈐承氏朱文印外封首書中峯和上
老師侍者弟子趙孟頫和南拜上謹封本帖前書孟
頫和南拜覆中峯和上老師侍者孟頫千江入城得
誨帖知杖錫以籃輿入山益深聞之甚爲驚歎後書
弟子趙孟頫和南拜覆四月十二日下押白文文徵

明印末角有白文文彭之印

雨後漸涼帖

白紙本行書二十六行前有文衡山二印外封首書
中峯大和上師父尊者弟子趙孟頫和南拜覆謹封
封字旁押朱文陸氏腰圓印本帖前書弟子趙孟頫
和南拜覆中峯大和上尊者尊前孟頫近者拜書謝
丹藥之惠言不盡意想蒙深察雨後漸涼山中氣當
已寒伏惟道體安隱後書八月廿二日弟子孟頫和
南拜覆中峯大和上尊者尊前末有文彭白文半印

紛紛塵事帖

淡黃紙本行草書十七行前有文衡山二印紙邊下角有半鈐白文文彭之印外封首書中峯和上老師侍者弟子趙孟頫和南謹封孟頫二字上蓋趙氏子昂朱文印本帖前書孟頫和南上覆中峰和上老師侍者孟頫紛紛塵事中不得以時上狀惟極馳嚮漸熱伏計道體安隱後書四月廿六日弟子趙孟頫和南和南中峯和上老師侍者未有文壽承氏半鈐朱文印

久不上狀帖

白紙本行草書十六行前有衡山朱文一印外封首
書和南再拜中峯和上老師侍者弟子趙孟頫謹封
孟頫二字上蓋趙氏子昂朱文印本帖前書弟子趙
孟頫和南再拜中峯和上老師侍者孟頫政以久不
上狀側聞苦瘡痍之疾深助耿耿後書弟子趙孟頫
和南再拜閏月廿日下押白文文彭之印

管道昇拜別頂相帖

淡黃紙本行書三十二行書用鍾太傅法結體精嚴

其秀潤有天成之妙董文敏云畫眉間彥霍不傳受
筆訣二語確然或云子昂捉刀非也帖前有文衡山
二印外封首書和南拜覆本師中峯大禪師法座前
女弟子管氏道昇謹封道昇二字上蓋趙管二字朱
文印本帖前書道昇和南拜覆本師中峯和尚大禪
師法座前道昇拜別頂相動是數載瞻仰之心日積
不忘後書六月初七日女弟子管氏道昇和南拜覆
冊後有趙孟頫水甯祝允明楊循吉等題人董文敏
二跋一小行書題於綾隔水上云子昂書中龍象當

時與之同世者皆沾餘潤遂成名家況畫眉閨彥甯
不傳受筆訣與之俱化耶觀魏國夫人尺一題董其
昌後押朱文昌字印一題於冊末云文氏停雲館帖
從此卷真蹟摹出乃文敏最得意書自右軍大令後
直按宗派非唐人所及也今爲惠生鑒藏墨池中一
段奇事董其昌觀因題庚午夏五望前二日下押元
宰董其昌印二印皆白文今觀董文敏二跋董公爲
之心降矣此冊經項氏收藏以及有黃琳美之諸印
余見趙書多矣當以此冊與獨孤定武蘭亭十三跋

爲趙書中無上奇品至於真楷行草章草篆書所見
不下數十本其最心賞者已錄於前而未及錄者楷
書如七卷蓮花經正書如靈隱大川濟禪師塔銘行
書如中峯勉學賦與張清夫書洛神賦皆上等之蹟
可謂直接二王宗派者心領神會至今言及尤在目
前其如遊天冠山詩白雲淨土詞亦是海內名卷但
不出北海軌範結體豐厚秀逸不足況二卷皆行書
多傷於工故未登記余嘗謂趙董二公書天資學力
可稱兼美者然趙書多熟遂掩天資董書遠熟似虧

學力若使趙書變生董書存熟後世入義獻之室者
非二公而誰

趙雍書中峯淨土詩

白宋紙本七言絕句六首行草書十八行簣衣裱字
大寸許書法蒼勁絕俗款題右中峯和尚作懷淨土
詩吳興趙雍仲穆書雍字上蓋仲穆朱文印

趙麟衡唐帖

元黃紙本行草書八行前書今早擬欲專造緣執事
昨晚云大尹兄到敝舍所以不果後書趙麟拜啓衡

唐徵君先生外封裝帖後上書衡唐先生趙麟完帖
有攜李李氏等印

鮮于樞遊高亭山記卷

牙色紙本高一尺八分長六尺七寸五分行書大五
分許筆法清韻體勢平穩所見伯機行書此卷灼然
第一前記元貞元年四月二十二日送客臨平鎮自
高亭山遊覽之事其文詳妙讀之如覩其勝記後書
初約元仁同行及期元仁以事不果故備述所見以
告拙詩數首附後仍丐呈似巖翁山村并西存博善

之仲實無逸諸同志寵和其詩題有留題廣嚴寺

七律

首高亭道中一絕留題淨慧壁

七言

淨慧寺四絕

七言

又

戲題廣嚴僧房壁

七言絕句一首

款鮮于樞頓首後押漁陽

鮮于困學齋三朱文印末上角有張氏清夫朱文印

下角有朱文心遠堂印前後有王鳳洲貞元爾雅朱

文印及白文有明王氏圖書之印後有鄧文原龔璘

跋楊循吉謹觀又張寰袁尊尼周天球黃姬水彭年

跋嶺南黎民表武林呂需吳門沈伯慶同觀陳繼儒

徐益孫鑒記王世貞王穉登題又有錫山安氏圖章

及王氏官印

草書杜少陵茅屋爲秋風所破歌卷

白宋紙本高九寸二分長二丈八尺餘草書字大二寸及三寸許者太常得意之書也後自題右少陵茅屋爲秋風所破歌王成先生使書三易筆竟此紙海嶽公有云今世所傳顛素草書狂怪怒張無二王法度皆僞書東坡亦謂吳門蘇氏所寶伯高書隔簾歌以俊等草非張書誠然樞作草頗久時有合者不敢去此語也王成先生以爲如何大德二年九月晦日

困學民鮮于樞伯機父下押鮮于樞伯機父一印伯
機印章一印二印皆白文虎林隱吏朱文一印後鮮
于去矜爲玉成之孫一跋深得家法款季男鮮于去
矜百拜謹書時己酉孟秋二日也後押鮮于朱文圓
印又白文印模糊莫辨及困學後人白文印又董文
敏小行書一跋甚精款萬厯三十七年歲在己酉十
二月十九日董其昌跋于延津公署又小行書二行
云鮮于去矜以己酉跋太常書余亦以己酉爲此跋
事有偶符者其昌再題下押董元宰白文印卷經孫

退谷少宰所藏鮮于去矜與董跋俱題於本
書襄陽煙江疊嶂二歌卷

淡黃藏經紙本行草四十五行前書襄陽歌三字歌
後又書煙江疊嶂歌末題名連前歌一體書竟款書
大德四年華朝日困學民書原裱冊子項氏改裝橫
卷有墨林收藏以及笄氏李氏諸印

草書千字文卷

白宋紙本高尺餘草書共一百六十七行字大寸餘
及二寸許者首書千字文勅散騎侍郎周興嗣次韻

此卷伯機書至多士實甯止計九十五行後押鮮于
朱文圓印伯機印章白文印又慎發箕子之裔二朱
文印後半段子昂補完文後子昂行書題七行字大
寸許云伯機草書千文至多士實甯止進之得此求
余足成余諦翫龍跳深慚狗續然進之之請旣勤伯
機之亡已久此而不勉後必難全輒忘珠玉在側之
譏庶盡生死交情之道云爾款吳興趙孟頫後押趙
字一印趙氏子昂及松雪齋天水郡圖書印四印皆
朱文後周馳鄧文原溥光詩跋皆題於本文紙末後

押五馬山房鑒賞真蹟子孫世昌等十一印又文嘉
周光顧德育三跋題於藏經紙上

鄧文原清居院記卷

白宋紙本烏絲隔欄正書大寸許凡六十四行書法
李北海前書清居院記後銜款書延祐五年三月既
望翰林侍制承直郎兼國史院編修官鄧文原記并
書下押學而未能白文一印卷經項氏收藏原跡延
祐五年之年字誤寫月字

袁桷和一菴首坐四詩帖

白唐紙本行書七行律詩四首凡二十六行字大五分許書法豐潤前書一菴首坐久客大慈比得會于萬壽深湛宏博連辱和篇不可虛其雅意用韻奉謝桷和南後書師永嘉人故末章及橫川長老後押袁伯長白文印清容齋朱文印

雅譚帖

元黃紙本行草書十一行字法精妙前書桷比者終日獲接雅譚繼卽探伺且有假書之請後書桷再拜前後有沐璘廷章半鈐白文印

龔璠宣城詩卷

白宋紙本高一尺一寸長八尺五寸行書計詩十一
首卷前上角有朱方郭昇朱文印下角有郭昇天錫
白文印接縫處上鈐郭昇天錫白文印下鈐郭昇天
錫朱文印後自題予歸京口省墓天錫出此紙徵予
書宣城詩記憶不甚真天歷二年孟夏二日龔璠識
本詩紙後張天雨荆蠻民題識有朱文松雪齋圖書
印及構李李氏鶴夢軒諸印

教授帖

淡黃紙本行草書十四行前有集字編號外封首書
記事拜覆錢翼之教授足下客袁州龔璠敬封本帖
前書璠記事拜覆翼之教授足下小壻子行來重爲
手帖深慰岑寂後書璠再拜帖經項墨林收藏及項
廷謨白文印末有甲二編號

郭昇四禽言詩帖

淡牙色箋本行書二十四行法趙松雪字大八分前
書四禽言三字用樂府體衍禽言爲詩四首一脫却
布袴一不如歸去一提葫蘆一行不得也哥哥後自

題云右相臺梁隆吉作延祐丁巳春余客番禺吳昭
德同集于徐秋湖之一碧亭酒邊舉似次年歸故里
書于家藏隆吉詩卷後京口郭畀天錫下押郭畀天
錫朱文印末有張則之朱文印

張淵詩帖

白宋紙本行草書雲臥三十年五言古一首凡十四
行書法松雪後款用拙齋書下押張氏清夫朱文印
戴表元動靜帖

淡黃紙本行書二十行書法蒼秀帖前外封書記事

頓首再拜徐仲彬總管相公侍史客信泮戴表元謹
緘封右紙邊續書寶祐橋西四字下書九月十六日
有朱書五字號本帖前書表元記事頓首再拜仲彬
總管相公侍史久不承動靜一年之間多問往來人
不得端的以此無書問相及後書表元頓首再拜奉
記末有甲三編號帖經項墨林收藏及項廷謨印帥
初書世不多有此帖余所僅見者

白斑陳君詩帖

淡牙色宋紙本行書陳君才名獵獵起七言古一首

十二行字大寸許後書至治癸亥秋八月旦日書下
押湛淵子白斑栖霞山人二朱文印前後有何氏元
朗半鈐白文印

揭傒斯雜詩卷

元淡黃紙本草書五十一行前五律三首一題真村
堂一題園趣亭一題山水卷又七律憶昨四首又七
言絕句宮詞一首款揭傒斯後項墨林一長跋卷內
有文衡山文壽承項墨林諸印及白文邵彌之印吳
下阿彌朱文印朱之赤等印

徐遜水調歌頭帖

白宋紙本上下有研花界邊行書盤馬萬山頂詞十八行書法松雪字大寸許前書中秋後四日奉母挈累遊問政之興道觀望黃山俯練水遂賦水調歌頭
徐遜拜

康里巉巉書柳子厚謫龍說卷

白宋紙本草書大寸餘及寸五六分不等者首書謫龍說柳子厚前上角有松風堂朱文長印下角押正齋朱文印文後自題彥中判府賢友久不覩僕惡札

札因草書謫龍說往想展覽之際如相見也康里巎巎再拜後押康里子山朱文印末角有常州莊氏二印後紙周伯琦記昂吉瞿智詩跋

書柳子厚梓人傳卷

白宋紙本草書大寸餘筆法超逸與前卷可稱雙美首書梓人傳柳子厚前上角押濟美堂朱文長印下角押春雨樓朱文長印接縫處鈐芳所朱文印凡二接文後自題康里巎巎爲信卿侍郎書時至順二年冬十月之廿八日也下押子山正齋二朱文印

貫小雲石海涯七言詩帖

白紙本行草書十八行書法唐人有高閑遺意字大
寸餘前書筆栗樂三字用樂府體書雄雷怨別雌電
老詩一首後書酸齋道人爲西瑛公子款右押酸齋
朱文連珠印卷有翰墨流戲渚湖堂印及嘉禾李氏
文穆等印

虞集白雲法師帖

淡黃紙本行草書十七行前書集頓首奉記白雲法
師和上鄉契去年過訪足切至情後書虞集上記帖

經項氏收藏及攜李李氏鶴夢軒董氏等印

歐陽元爲黃巖王君伯春暉堂記卷

白宋紙本烏絲隔欄正書四十二行前書春暉堂記
下角有二舊印痕書法蘇文忠筆鋒過峻記後銜款
書至元後己卯八月己亥翰林侍講學士通奉大夫
知制誥同修國史冀郡歐陽元記下押白文冀郡歐
陽元印又號齋齋霜華山人二朱文印末下角有白
文半印後有河東張翥臨川吳當宣城貢師道山東
程益五詩

段天祐安和帖

元黃箋本行草書二十一行筆法流利前書天祐頓首書奉起善賢契友執事小林回領書承近候安和爲喜後書天祐頓首再拜帖經項氏收藏及攜李李氏鶴夢軒印

楊維禎詩帖

淡黃紙本草書二十一行字大二寸及寸許者書法豪邁體勢奇崛前序後又七律一首款書明日書此紙會乚抱遺叟楊維禎再拜天樂大尹見此聊發一

盧胡也後押楊廉夫白文印鐵笛道人朱文印

書小遊仙辭序帖

淡黃紙本烏絲界欄草書二十四行筆法峭拔首自
遂啓迪蓬心起文氣不順前必有闕序後款書至正
辛丑花朝丁酉鐵篋道人會稽楊維禎在竹洲館試
老溫筆後押李黼榜第一甲進士朱文印楊維禎印
抱遺老人一印二印皆白文

俞和雜詩卷

白宋紙本行草書雜詩八首初視以爲松雪其詩一

次陸秀才春日幽坐韻二冬日偕友人金子尙遊賈氏西園觀梨花樹有感三次葉舜臣訪慈濟悅上人詩韻四題悌本中新居次葉舜臣韻五題張羽士小像六遊天龍寺次間上人詩韻七遊靈隱寺有感示用貞長老八次沈斯平見寄後有四明陳敬宗謹題卷尾項墨林小行書三行記其嘉靖四十一年春季購於無錫安桂坡孫仲泉處又嗣字編號卷內有白文子中父印煮茶亭長白文印大明安國鑒定真蹟朱文印及項氏諸印余向見紫芝臨右軍十七帖題

白粉箋本甚佳亦項氏物爲真定相國所收今歸淮
安徽人程氏

留宿金粟寺詩帖

白宋紙本行書十二行書類松雪字大六分及七分
許者前書余往年訪伯剛太守伯行都司於茶院金
粟寺留宿僧舍獲觀伯剛所藏褚河南禊帖及晉唐
名迹甚慰平生臨池之志賞閱終日同會友人朱君
仲義以詩見贈余卽次韻以答之後書七律一首帖
經項氏收藏及大明安國鑒定真蹟朱文印清隱齋

白文印

王蒙書杜工部詩帖

元黃箋本行書拾遺流落錦官城七言古一首十九
行字大六分及七分許者行筆蒼勁書法松雪款書
黃鶴山樵書

沈右詩簡帖

白宋紙本楷書十八行前書右頓首拜啓十月望過
吳江別業得所惠書者三光景如過隙駒僻居江村
况味寥落東流活活悵望送清晝耳後書沈右頓首

拜啓叔方教授先生尊契文坐下內五言絕五首又
續書七行皆不錄末書右又稟帖經項氏收藏及北
平孫氏朱文印曾經孫少宰所收者

張暎與南屏徵君三詩帖

元黃紙本楷書二十行書學褚河南前押秦川朱文
小長印首書奉同劉先生答南屏徵君見寄一首張
暎載拜後書七律一詩又次韻南屏徵君移居和陶
詩二首後又五言一首下押張氏子暎朱文印循國
世家白文印前後有沐璘璵章半鈐白文印按暎無

可考讀其詩句清韻的是元人氣體更兼書法精妙
無疑議焉

陸廣詩簡帖

元黃紙本楷書十八行前書蔡閒至姚江辱誨語又
寄以詩感愧交集謹用倚謌聊述敬懇錄上克用先
生併輒伯祥徵君用爲謝意希笑擲焉及生陸廣再
拜後書五律一首又書連日感伯祥先生下榻飽聞
克用先生清夜聯話用行述雜語以填虛紙更伺改
成爲幸後書五言古一首款陸廣又饒舌帖經項氏

收藏有北平孫氏朱文印

非非雅波草書心經

白朱紙本長條幅草書七行字大寸半及寸許者款
書非非雅波書後押非非白文印雅波白文印前首
押朱文小長印文不能全辨

饒介草書韓柳文卷

淡牙色經紙本後二紙微黃高八寸餘長一丈七尺
四寸草書韓柳二文筆法流利學嶼子山前韓文首
書送孟東野序後柳文首書梓人傳文後自題九月

七日九成自崑山載酒來問字且欲書諸作者所作
余飲其酒美輒醉遂不能答其問爲何問亦不能書
明日九成持此紙復來意不能答乃笑而書此九成
謂余酒未醒也辛丑九月八日華蓋洞酒史識後有
都穆姜紹書二跋同邑蔣清書卷有嘗字編號項氏
諸印及董光裕印陳定書印

士行帖

淡黃紙本行草書九行書法精妙前書介再拜衰病
不得時面殊懸懸爾後書介再拜士行尉相先生

家謹空帖有項墨林收藏印及項廷謨印停雲館印
刻

張宣詩卷

元黃箋本烏絲界欄草書字大寸許前書題蕭山縣
令尹本中吳越兩山亭卷後及長歌一篇學蘇文忠
體大類烟江疊嶂歌後書聽冷起敬琴次韻及五言
排律一首詩後自題宗博茂才出此紙頗佳因書二
詩以遺之至正乙巳春張宣識後紙文徵明題考據
精詳後押文印徵明悟言室印二印皆白文

陸居仁張樞倡和詩卷

白紙本前陸宅之草書茗谿之水天目來七言古一篇計四十一行有項氏意字編號首書茗之水三字後自題歲在重光大淵獻冬至後十有二日雲松老人在城東寄軒書後押朱文宅之白文陸氏居仁等印又一紙張夢辰小楷書十八行和前韻首書雲松先生古詩一章俾樞次韻特奉作者一笑款陳留張樞詩後下押或山而樵或水而漁朱文印陳留張樞白文印朱文張夢辰印本卷紙尾有陳朴袁凱

詩跋卷有項氏收藏印及雲閒朱文印書巢朱文葫蘆等印

道張雨并陸友合卷

淡牙色紙本前張伯雨行書元史二論馬陶三傳仲

謝三詩共右十七行又小行書六行自題云太史南華所論道

家之大本無爲之至理矣若相如之才情雄放元亮之貞節雅言華陽隱居則古稱元中董狐道家尼父實皆我之良師也仲謝三詩其旨亦超嗚呼四十無聞斯不足畏知不能望惟賢希聖之域甯不得爲達

生之歸乎遂書各文成卷把玩山澤閒以自料理耳
款題大元泰定二年歲在乙丑六月廿五日句曲外
史張嗣真華陽南洞記其嗣真二字上蓋朱文張嗣
真印後又小行書太上十三訓十五行款泰定三年
丙寅二月廿八日嗣真學下押朱文張嗣真印此卷
本紙後有烏絲隔欄又陸友隸書世說中語七十六
行款書至元二年秋七月十日吳郡陸友書世說中
語於款右紙空處押白文陸友私印卷尾有至元四
年龍集戊寅正月二日京口袁矩子方曹南史元舉

金華吳福孫子善同觀于清明閣一題後伯雨又自
跋云此卷余舊藏又嘗雜書紙尾把玩山澤閒後爲
元鎮持去至正丁亥十二月四日與元鎮同遊梁鴻
山攜在行笈因得重觀故友陸友仁隸書世說數則
語感慨歲月余老矣能幾把卷重題而歸諸清閬閣
海昌張雨前引首周天球行書題元言妙翰四大字
款書隆慶辛未八月朔周天球披閱竟日漫書卷經
大蒼王奉常收藏有朱文三時敏印烟客鑒定印
次天鏡上人送柑二詩帖

牙色宋紙本行書八行字大五分許前書次韻謝天
鏡上人送柑後書七言絕句二首款書天雨二字上
蓋句曲外史朱文印

行書七言詩

牙色紙本長條幅行草書七言一首字大如拳其詩
絕頂新秋生夜涼鶴翔松覆溼衣裳前村月照半江
水僧在翠微開竹房款書大元至正辛巳張雨下押
句曲外史朱文印前下角有張丑白文印末角有吉
父朱文印范氏白文印及廬州太守張見揚收藏

釋大訢和虞文靖三帖詩

深开色紙本行書十三行法蘇端明清韻絕俗前書
天然首座往臨川見邵菴居士得三偈而還且辱見
及因索次韻後書七言絕句三首款至正二年八月
廿七日龍河大訢後押朱文釋大訢印笑隱朱文印
前有虞伯生父朱文印虞雍公世家白文印微笑居
士朱文印

七元人和陳惟寅姑蘇錢塘懷古詩卷

饒介和詩

元黃箋本行草書二十二行字大五分許前書奉同
黃鶴山人雲林先生和惟寅徵士懷古高韻就簡寄
亭先生共諸名勝友一笑饒介上後題姑蘇詩三首
又題錢唐詩三首末押陳氏惟寅白文印

倪瓚和詩

白紙本行楷書二十六行字大四分許前書次韻奉
和惟寅高士姑蘇錢唐懷古六詩後題姑蘇詩三首
錢唐詩三首又自題云惟寅陳君古所謂獨行士也
安貧士道居吳市二十年蓋若一日真外混光塵中

分涇渭而確乎不爲外物移其守余獨深知其人宅
人有不得而知之者也賦詩弄翰特其餘事耳去年
秋偕叔明友兄訪余江渚出此六詩相示諷詠之餘
因同叔明用韻各和成章今年余病癯下疾幾半載
惟寅凡兩來問余十一月一日覺體中稍佳惟寅命
余寫出遂復書此至正廿二年壬寅倪瓚記下押陳
氏惟寅白文印此詩已刻停雲館帖

陳秀民和詩箋

淡牙色紙本行書二十三行字大五分餘前書奉和

惟寅陳徵士懷古詩六首後題姑蘇三詩錢唐三詩
款書四明山道士陳秀民頓首前有寄亭白文小長
印末押四明山道士白文印

余詮和詩

白紙本楷書十七行前書姑蘇詩三首錢唐詩三首
後書劍江余詮奉和惟寅陳徵士懷古六首并求諸吟
伯斤正

陳汝言和詩

白紙本行書十三行前書懷古六首謹次韻錄上汝

言呈下押陳惟允白文印後題姑蘇詩三首錢唐詩
三首

王蒙和詩

白紙本行楷書三十三行字大五分餘前題奉和惟
寅陳徵君姑蘇錢唐懷古六詩至正辛丑十月三日
與徵君同宿愚隱老師丈室明燭烹茶作懷古詩老
禪方兀坐在大覺清淨海中包涵虛空生在心內千
古萬古皆屬前塵何暇迺作蒼蠅聲悲慨之耶顧我
跼蹐彈丸之地不暇自悲復悲往世我不爲愚迺令

皇朝集賢堂金卷二
老禪反號爲愚可笑也矣因寫所和詩爲塵中之塵
耳黃鶴山人王蒙下押白文王蒙印後題姑蘇詩三
首錢唐詩三首此紙已刻停雲館帖

潘牧和詩

淡黃紙本行楷書十九行前書至正辛丑冬惟寅先
生以懷古十二詩示僕讀之有古烈士慷慨悲歌之
風當時大夫士和者甚眾僕亦忝居契家之好故敢
次韻成章鄙俚可笑非敢以言詩也謹用錄呈惟寅
徵君先生求教契生潘牧再拜後題姑蘇詩三首錢

唐詩三首後吳寬呂憲沈周和前韻各六首又王鏊
顧璘二跋前有塞字編號卷經項氏收藏

集元明詩翰小冊

趙孟頫七言詩

淡牙色紙本行草五行字大四分許其詩江南江北
路茫茫明月高樓各異鄉旅雁叫雲天似洗故人今
夜泊瀟湘款松雪下押趙氏子昂朱文印後續書寓
杭州鹽橋客舍書

鄧文原五言詩

白宋紙本楷書四行字大三分許其詩芳草孤舟渡
幽居一徑通江湖春雨外墟里暮烟中機息鷗先下
花飛水自東臨流無限意畫史若爲工款巴西鄧文
原下押巴西鄧氏善之白文印又一印模糊亦巴西
之印也

倪瓚五言詩

牙色紙本行楷書六行其詩牛鳴野窟中雞登山木
上黃鍾雜姑洗春容以清亮別鵲暮鳴飛流水春濱
漾愛爾並手忘令我形神暢憶昔擅能事宋袁余所

尙錢君生獨後超軼絕塵鞅操琴晚聞道月斧挂天
匠杳如清廟瑟朱弦聽歎倡古道久寂寥古音亦淪
喪促軫淚沾纓歌詩重悲悵款書延陵倪瓚癸丑

高啓五言詩

元黃箋本楷書五行前書春日奉懷竹里先生一首
勃海高啓拜上其詩共此一里居誰令阻良覲惆悵
步芳園山櫻還獨摘風含駐花意雨散流地跡尊酒
不來同茲晨端可惜三月十七日

楊基五言詩

元黃箋本行楷六行前書對雨有懷止仲隱君一首
其詩久靜厭紛俗齋居自元處遙知文墨暇共此蕭
蕭雨屢驚芳節換慙覺清言阻欲叩竹閒扉棋聲隔
春渚三月十一日楊基上

張羽平復帖

元黃紙本小行書六行帖書經宿想尊體悉已平復
且承書至軍裝詩得無勞神耶恐悚恐悚執扇頗新
潔可愛因僭書一詠汗其上須併邀諸公共詠之尤
佳諸留面敘不一張羽頓首閒止先生侍者六日

五言詩

元黃箋本小行草五行前書懷胡參政一首其詩聲
譽遍時流塵沙慘弊裘泛交通俠士長揖說諸侯夜
雨菱湖館秋風剡水舟從來爲客慣漂泊可無愁款
尋陽張羽

徐賁題濯清軒詩

元黃箋本楷書五行前書題濯清軒其詩春草綠芳
洲清江遶舍流芹香低渚燕波影媚沙鷗風滯初聞
笛花藏罷釣舟滄浪千古意何處問巢由款剡郡徐

賁

王行七言詩

牙色紙本行草書六行其詩橫空微霄澹初卷一片
蒼雲隔層巘遠壑清風拂樹來烟鬣梢梢總如翦蹇
驢隨意厯山岡此景此情應兩忘忽驚啼鳥翠微裏
催我佳句投奚囊人生樂事知多少獨有吟情超世
表爲瀉詞源浥畫圖晴壁高堂楚山曉右題鄭禧之
松林才子圖款行後押止仲白文印又前後二印

謝晉五言詩

元黃紙本行楷五行其詩治平開士字高瞰石湖傍
路徑通新廓烟霞接上方偶攜松下杖來叩竹閒房
禪寂聆虛籟心清愜妙香晨廚分鉢飯夕寐假繩牀
安得相塵鞅歸依就法王下書右宿治平寺詩一首
謝晉

陳則五言詩

元黃箋本行書六行前書過小孤山阻風一首奉寄
止仲季迪二貞白先生一笑其詩山葉盡霜飛空菴
出翠微一僧同月宿萬鳥合雲歸地勢因成峽湍聲

五系集卷之二
三
不過磯自非風信阻登覽亦相違後書華山人陳則
錄上

文徵明書歸去來辭

白紙本蠅頭小楷書十九行首書歸去來辭文後款
書辛亥九月十一日橫塘舟中書徵明時年八十又
二末押徵明朱文小連珠印後崇禎甲戌花朝林寵
一跋亦作蠅頭小楷此冊首入米海嶽書蘇太簡參
政一帖已錄於前米帖內
明

宋克書杜工部柎木爲秋風所拔歎卷

白宋紙本高一尺一寸長一丈一尺三寸草書字大寸半至四五寸者體法一變脫盡元人風氣後自題老杜柎木爲秋風所拔歎東吳宋能書本文紙後孫賁一跋字大一寸及三四寸者書亦蒼勁後有徐詒曹瑩二跋

兩得來書帖

深牙色紙本行楷書十四行宗鍾太傅兼用章草法行筆清勁明初如高季迪徐幼文方希直諸公書皆

類之前書宋克啓兩得來書備悉勤懇使者不復再至失於裁答非慢也後書宋克頓首再拜下押宋克白文印末二行續書蒙索小楷不有清興未能奉命後多作數紙請教矣

王彥強臨樂毅論

白宋紙本烏絲界欄楷書二十八行出規入矩深得其旨後押朱文立中父仲璠之印

危素陳氏方寸樓記

白紙本烏絲隔欄正書四十四行爲四明陳貴白爲

記者書法虞永興首書陳氏方寸樓記款書臨川危
素記後押危素白文印太樸朱文

周砥與雲林詩簡帖

白紙本行書共十二行法蘇文忠甚佳前書奉送叔
方先生之笠澤兼簡雲林居士一笑吳人周砥再拜
後書七律一首末四行書歲將盡矣不得奉陪一游
聊寫此爲別雲林丰度昔昔在夢春初別圖往拜耳
會間道此砥十二月十日帖有王氏柳氏等印

宋廣草書李太白五言詩

牙色研花宋箋本長條幅草書天若不愛酒五言一首行筆清勁字大寸半共五行款書昌裔爲彥中書押有朱之赤等印

宋璲端肅帖

元淡黃紙本行草十二行不失家學字大五六分及寸許者不等前書璲端肅奉覆岳翁尊前後書璲拜覆岳翁大人尊前

解縉草書自作雜詩卷

白紙本高一尺長一丈三尺九寸草書自作雜詩七

首書法精妙字大寸餘至六七寸者詩後自題此余
近日所作數詩皆率爾而成今又率爾書之雖然未
嘗敢棄古自爲也中閒複筆覆筆返筆之妙付有識
者自辨之永樂庚寅五月二十三日夜京城寓舍書
與禎期縉紳識後有王穉登一跋

王紱叔訓帖

元黃筌本行草書二十一行書法流麗紙墨皆佳前
書孟端再拜奉覆叔訓有道先生文几後書七月廿
日孟端再拜帖首押孟端白文印下押朱之赤鑒賞

第一希有二朱文印

沈度鏤翁大參帖

牙色紙本行草書共十一行筆法清勁體勢飄逸外
封首書書奉鏤翁大參鄉兄閣下沈度固完度字上
押白文沈度私印前書前者恪來具領雅意向索真
字今寫西銘一通座右銘一通奉去殊愧陋劣後書
十二月廿四日友生度奉鏤翁大參鄉兄閣下

黃淮進朝帖

白紙本行書共十九行書有松雪遺風前書僕拙疾

稍平已於初二日進朝適在東里先生坐閒得觀和
章方知騎從尙留通津輒用韻成鄙語專人持上奉
候起居并致官酒彘肩以助高興勿謂輕賁也後書
五律一首款友生黃淮頓首末六行書家父求壽藏
休徵記已承慨允客窗閒靜乞援筆一揮歲底遣人
請領擬附朝京官帶回刻石以遂老親之心不勝至
幸節行卷如得併成之更妙淮再拜

李東陽書種竹諸詩卷

白鏡面箋本高八寸長三丈餘正行草篆四體書自

作種竹各體詩十四首正行草書皆法顏平原後自
題張甥屢爲移竹助我園居之興爲書往歲諸詩以
見種竹之難如此後數首乃得竹時所作凡有關於
竹者皆附焉甥娶于吾之從女而吾弟不及見故題
曰竹林餘興蓋諸子兆延嘗爲速成之也正德丙子
二月八日西涯翁識前有長沙朱文小長印後押賓
之七十一峯深處二朱文印本詩紙尾有宏儲一跋
字亦不俗

吳寬書東坡詞卷

白紙本行書蘇文忠公浣溪沙五首共三十一行
法亦學蘇文忠前書蘇題十二月二日雨後微雪太
守徐公君猷攜酒見過坐上作浣溪沙三首明日酒
醒雪大作復作兩首詞後款題偶閱東坡詞錄一遍
匏翁前押延陵朱文長印後押太史氏朱文印玉延
亭主白文印

生子帖

白紙本行草書三十一行前書前月得手書知去歲
冬有生子之喜爲之欣慰無已後書寬拜全卿侍御

至契友案下

劉珏玉田帖

白紙本行書十六行有松雪餘潤前書仰閒承見示
范寬秋山圖觀其石潤林深筆力蒼老縱橫滿幅真
有古意後書珏端復玉田賢親待聘押有緇氏廷美
朱文印

姚綬書自作詠物詩冊

淡黃紙本烏絲界欄行草書自作詠物七言律詩二
十二首書法清勁前押姚字圓印詩後自題山人受

用清福無過霜瓦竹屋而雪燈清冷紙帳高寒蠅杯
之挈我醉鄉鶴爐之坐人香國又霜瓦竹屋中必不
可少之供具也老年消日借此實多各賦七言用彰
嘉績至如鐵笛兔毫最助吟興落花柳絮時動禪情
爰將同賦者亦古人賦月賦嘯之意也凡得詩二十
二章時成化庚子十月望後二日雲東懶仙綬識後
押朱文姚字圓印白文公綬印冊內公綬印記繁多
未及全錄

沈周遊虎邱各體詩卷

白紙本高八寸五分長一丈二尺三寸行書遊虎邱
諸作十七首書法黃山谷後款宏治癸丑歲沈周錄
下押沈氏啓南朱文印

少宰帖

白紙本行書共二十六行前書周再拜上記少宰大
人先生閣下奉違越歲無便曠問惟是懸切而已後
書梅花道人竹石一軸暑布一匹聊伴空緘周又拜
下押啓南朱文印

金琮別久帖

淡黃紙本行草書十七行字類張伯雨前書別久不
勝企仰屢辱詩翰見惠故舊之情溢於言表鄉人之
便諏詢動履清嘉深用爲慰後書友弟金琮再拜民
望鄉尊先生閣下

祝允明臨黃庭經冊

白紙本烏絲界欄楷書共五十九行首書黃庭經前
押枝指生小長印後款章草書正德庚午八月二日
雨窗孤坐戲臨一過枝山祝允明下押枝山白文小
長印祝希喆白文印

書米元章論書卷

白紙本高八寸餘長一丈三尺草書大五分及寸餘
者書法米南宮前書米南宮論書後自題允明雅嗜
古僅以六藝中博其一耳世乃有以善書名我我其
敢當故上人幼公亦有志我志而來謁諄諄余無以
應且書法米南宮論之詳矣故以其所評者書以俟
其自得云時正德丙子秋八月生明日也後押祝印
允明白文晞哲朱文印後有馮涿鹿一跋卷經睢陽
袁氏收藏

正書子黃子瑩中字訓帖

白紙本烏絲隔欄正書二十五行法顏平原字大四
分祝書至精者前書子黃子瑩中字訓款書吳國祝
允明下押允明晞哲生二朱文印帖有朱臥菴寶祝
堂等印

唐寅若容帖

白紙本行草書二十三行字大五分餘深得李北海
遺意前書寅頓首頓首若容老兄翰學省示知浮邱
遷化欲往哭之事冗不克遂懷也後書卽日寅頓首

五經集義卷二
頓首若容老兄翰學

文徵明四體千字文卷

藏經紙本前真書本烏絲隔欄首書千字文下角有
玉蘭堂白文印文後款書嘉靖戊申歲春二月廿又
七日徵明書下押徵明朱文連珠印又徵仲白文印
次草書本烏絲界行首書千字文下角有文仲子白
文印文後款書嘉靖戊申夏四月十有八日徵明書
下押徵明停雲二白文印次隸書本烏絲隔欄首書
千字文下角有白文悟言室印文後款書嘉靖己酉

冬十月七日書徵明下押徵明白文長印又徵仲父
朱文印後篆書本烏絲隔欄首書千字文下角有停
雲生白文印文後款書嘉靖辛亥歲上元前二日徵
明篆于停雲館下押徵仲白文長印文印徵明白文
印後紙自書二跋陳道復一跋前引首周天球題書
法四體四大字款周天球書下押周氏公瑕朱文印
止園居士白文印

雜花詩卷

藏經紙本烏絲界欄行草書自詠雜花詩十二首皆

七律字大七分許所詠梅花紅梅蠟梅桃花梨花楊
花瑞香百合玉蘭梳子芙蓉第十二詩未題名讀其
詩詠水仙花也後自題右雜花詩十二首皆余舊作
今無復是興也暇日偶閱舊稿漫書一過戊午冬日
徵明時年八十有九卷首押停雲朱文圓印下角有
停雲館白文印衡山朱文印後押文印徵明文仲子
二白文印衡山朱文印

晴明帖

白印花紙本行草書共二十行書法精妙前書別來

不審行李何日抵家途中晴明想跋涉無恙後書八
月五日璧簡奉希古賢姪光輩又續書昨日提學出
帖子禁約遺才不許在京打攬閒知之令尊先生前
不別具字煩侍閒道意後餘半封一行末押陳淳朱
文印白文嚴澤之印

王寵草書自作雜詩卷

絹紋牙色紙本草書七律八首共二紙字大五分許
書法精妙前一紙詩四首自題右山中雜作閒書于
石湖精舍雅宜山人王寵後押雅宜山人朱文印白

文王履吉印後一紙又詩四首自題辛卯孟夏七日
雅宜山人王寵書于越谿莊後押雅宜山人朱文印
白文王履吉印後有泰昌時平湖洪邦基題繩頭小
楷筆法清勁法顏魯公麻姑壇記卷經項墨林曾收
有項氏李氏等印廊字編號

石湖包山雜詩卷

藏經紙本凡四接鈐辛夷館朱文印草書石湖詩八
首又包山雜詠七首字大寸許前押大雅堂朱文長
印首書石湖八絕句詩後自題丁亥春二月之吉雅

宜山人王寵書于石湖精舍下押白文王履言印
韓齋朱文印

豐坊臨右軍養生論卷

白紙本高八寸長一丈五尺餘行草書字大寸許原
裱冊子今改橫卷前書養生論下押清敏公家發解
出身南禺外史三朱文印文後正書自題嘉靖庚戌
端陽日在武林元芝樓時雨初霽明窗絕塵偶閱右
軍養生論古刻爲臨此冊或云中散著論而不保其
終疑斯言之誕者夫嵇以傲物取憎遠乎明哲彼身

爲國華而基于篡賊忠義之節昭應無窮殆賢乎遺
世而獨立者繫神仙之說古謂荒唐養生之理則易
有頤卦書有無逸黃帝有內經論語有鄉黨君子心
悟而躬行之則養德養生胥得之矣夫豈皆外道耶
南禺外史題後押四明朱文連珠印豐印道生白文
印又人翁等五印皆白文

文彭臨蘭亭詩序冊

白紙本烏絲界欄臨禊序一紙下押文彭之印文壽
承氏二朱文印前引首篆書蘭亭修禊四大字末押

文氏壽承白文印後以真行草章草篆隸六體書蘭亭詩三十四首又自題云客有攜山陰所刻蘭亭卷相示遂錄一過并臨蘭亭於前聊以戲耳勿謂老人多稚態也時隆慶辛未暮春之初三橋文彭記時年七十有五下押文彭之印壽承二白文印此題草法大類唐孫虔禮凡見三橋得意書皆類此則知從書譜中得來冊有朱之赤收藏印

董其昌楷書彌陀經冊

白鏡面箋本烏絲界欄楷書十一頁書法秀麗可稱

極品首書佛說阿彌陀經後自題雲栖蓮池大師甲寅正月八十初度余以師純提淨土掃彼狂慧行在梵網志在觀經僧臘最高居然古佛乃書此經刻石流布以廣宏願亦祈大年自愧筆法弱劣不能加趙文敏之爲中峯書淨土一百八詩足傳耳萬歷四十三年歲在乙卯五月廿日華亭董其昌識前藏經紙引首有得天居士題贊向見一偽本於淨面高麗紙上對此臨模者後有吳錫秦氏一題幾爲亂真故及之相傳公書有七卷蓮華經與趙松雪七卷蓮華經

並藏松江王氏因題其齋爲二蓮居趙書余得一見
公書不知歸於何所

臨晉唐法書冊

白鏡面箋本烏絲界欄楷書陰符經計四十行首書
陰符經後題唐人有李八百產黃庭經圖宋趙千里
有老姥授李筌陰符經圖據老姥云百言演道百言
演法百言演術猶參同契之兼養性神丹陰陽而注
之者各從所入也人發殺機卽禪家所謂護生須是
殺殺盡始安居易之龍戰孔之克己其揆一也但下

語有夷險耳老姥以丹書符叩杖端坐刺筌口中令
筌跪而吞之曰天地相保亦卽產經之類丙寅六月
十八日書款其昌又臨黃庭經烏絲界欄計書十八行
首書黃庭經後書得宋楊不全本黃庭經臨竟款其
昌又臨樂毅論一段計九行又臨顏魯公乞米帖又臨楊凝
式韭花帖又臨顏爭坐位數語又臨懷素律公帖後書懷
素書以聖母帖爲最勝自敘之狂怪怒張也款思翁
臨後有得天居士一跋

書晉唐諸帖卷

白鏡面箋本首押元賞齋白文長印前楷書

一段又楷書景福殿賦一段後章書義之五帖小行楷釋

四帖後書戊申秋九日臨十七帖并釋文款董其昌
下押太史氏董其昌二朱文印卷有朱之赤收藏印
及高氏宋氏等印

法虞永興徐季海書冊

白鏡面箋本烏絲界欄楷書法虞永興書皮日休桃
花賦首書桃花賦文後自題戊午三月崑山道中以
虞永興法書此賦今年八月從京口張太學修羽觀

永興廟堂碑真蹟歎賞之次更有悟入因重書一通
虞師永禪師以永師千文意爲伯施書如菩薩應願
作梵天主也天啓元年歲在辛酉十月八日其昌後
書臨徐季海書杜工部謁元元皇帝廟詩後自題新安
之溪上有吳太學家藏此詩真蹟以爲杜甫書余玩
其用筆知是徐季海真書蔡君謨宗之雖方實圓雖
勁實婉所未及顏魯公者在有筆墨蹊逕未脫歐虞
褚薛姿態耳歲在辛酉十月十七日其昌後鈐忠孝
之家朱文大印冊有沈文恪一題高江村四題

臨唐人四家書卷

白鏡面箋本烏絲界欄楷書臨徐褚薛歐四家書每
段後小行楷書其數語字甚精妙第一臨徐季海唐
至德廣德閒恩制一段後書右臨徐浩書東坡行書
學徐季海真書學顏清臣兩家正書相似徐稍圓耳
二臨褚河南唐文皇哀冊一段後書右臨褚遂良書
褚書近隸法孟法師碑是已哀冊似王僧虔亦米書
所自出三臨薛稷四言詩後書右臨薛稷書薛稷爲
褚河南甥書法似河南三藏聖教序四臨歐率更九

成宮一段後書右臨歐陽詢書歐書米南宮評以爲
真到內史此九成宮碑其烜赫有名者此卷末角有
董氏家藏白文印是又敏傳家者也觀容臺別集文
敏有云余性好書而懶矜莊鮮寫至成篇者雖無日
不執筆皆縱橫斷續無倫次語耳偶以冊置案頭遂
時爲作各體且多錄古人雅致語覺向來肆意殊非
用敬之道按文敏此語但余所錄文敏卷冊卽鮮有
成篇者而臨法前人無不造其神奧實多精神煥發
之作孫過庭云偶然欲書一合也此語信然

臨僧懷仁聖教序卷

白鏡面箋本書自皇帝在春宮述三藏聖記起至豈
與湯武按其優劣堯舜比其聖德者哉止計四十五
行後自題六行云聖教序懷仁集右軍書予以禊帖
證之多有遺者蓋是懷仁一筆偽造義獻風流所存
無幾學書者更具眼可也思翁

臨李北海大照禪師塔銘卷

白鏡面箋本共二紙董書之最佳者前一紙臨四段
首書大照禪師塔銘後小行書款其昌臨李北海真

蹟下押董其昌朱文印後一紙臨三段行書款其昌
臨李北海真跡後押太史氏白文印董其昌朱文印
後有江村高詹事三題

書蘇文忠煙江疊嶂歌卷

白鏡面箋本烏絲界欄行書法蘇文忠而多已意精
神煥發得意之作前書書王定國所藏煙江疊嶂圖
文後小行草自題七行云東坡爲王晉卿題煙江疊
嶂圖與右丞桃源行抗行真跡在婁江王氏余嘗借
觀閱月足當三絕欲臨其畫與書成一圖未能也往

來於懷時寫此詩俟足成之董其昌下押董印其昌
白文印

書蘇文忠和子由論書詩卷

白鏡面箋本行書二十二行前書和子由論書文後
下書兩小行云山谷以東坡書爲本朝第一故書此
詩其昌下押董印其昌白文印

路馬湖記卷

白鏡面箋本烏絲隔欄正書兼行字大經寸法李北
海首書淮安府濬路馬湖記每接縫有蘭雪堂收藏

印後絹隔水沈文恪一跋書於龍潭舟次

楷書心經冊

宣紙本其白如新淡烏絲界欄共八百楷書法虞永
興而兼十三行端嚴秀韻了無怠意文敏著意之作
首書摩訶般若波羅蜜多心經後款書香光居士董
其昌

書蘇玉局詞

宣紙本闊條幅長二尺九寸五分開一尺三寸二分
行書花褪殘紅青杏小一首共五行字大寸半亦學

蘇文忠筆法蒼勁詞後下又兩行書辛未春書蘇王
局辭款董其昌下押宗伯學士白文印董印其昌朱
文印

釋夷簡甘露帖

深牙色紙本行書十五行前書夷簡再拜報恩僕至
承佳偈和章見寄讀之其於高妙處深知徑山家法
得不寂寥甚慰甚慰然龍河熱鐵輪若非老漢也難
當此一笑一笑後書夷簡再拜復甘露堂上和尙法
弟五月十六日帖有項氏收藏印及張孝思陳定等

印

釋道衍寄東林詩帖

白紙本行書十行甚佳首押遊戲三昧朱文長印前
書偈寄東林社主西緒大法師後書七言絕句一首
款洪武二十二年歲在屠維大荒落秋七月廿又三
日燕山慶壽道衍再拜後押白文道衍私印獨闇白
文印妙喜世家朱文印

釋良琦答肅齋太守詩帖

淡黃紙本行草書前後共十三行首押龍門朱文長

印前書絕句一首奉答乞米帖聊博一笑後七言一
絕又續書白粲三石杜醬一缶菜一盤先此進上酒
餅無吝見賜當以取酒奉答也良琦頓首肅齋太守
相公尊先生良琦二字上押釋印良琦白文印

釋德清詩帖

白紙本行書五言古一首計十行款書天放道人懸
山德清書於青蓮一葉下押釋德清懸山道人二白
文印

淨慈寺宗鏡堂記

白紙本烏絲界欄首押楞伽室朱文長印前書杭州
西湖淨慈寺宗鏡堂記其文行書一百有六行蓋寺
僧大壑求爲五代周顯德時僧智覺壽禪師記款萬
曆丙辰臘月望日憨山老人稿下押釋氏德清憨山
道人二白文印

墨榻

古榻開皇蘭亭卷

墨榻本原裝宋摺裱今改橫卷前藍紙隔水上下鈐
珍祕翰墨清賞二白文印帖首鈐朱文晉府書畫之

印本帖斷缺處押晉府圖書等印後接縫上鈐澄心
堂腰圓朱文印下角有冰壺秋月白文印神遊八極
朱文印後紙宋丞相游景仁行楷墨蹟題右粥者題
曰定武余旣歸鄉以往歲所藏鄧氏趙氏本校之無
分毫差據此三本斷缺處與婺之梅花蘭亭同其異
者婺本上下有界畫而此則無爾此當爲開皇原本
而彼再刻也然此本精彩晦昧視鄧趙本大有逕庭
云後押景仁朱文印題上押朱文敬德堂圖書印子
子孫孫永寶用朱文印後藍紙隔水上鈐晉府圖書

朱文大印下鈐裝裱人趙氏孟林白文印帖前有趙
孟顓周馳袁褰吾衍觀四題帖後有大德閒吳文貴
觀一題皆書於元淡黃紙上此五題皆非原跋爲卞
氏增入者後有孫退谷曹秋岳二公跋以此卷爲開
皇本但游跋內開皇二字係小字旁注不無疑議然
此本紙墨淳古風神完具洵非南宋所榻者若必謂
爲開皇則未敢輕許也

定武五字不損蘭亭卷

墨榻五字不損本紙墨淳古神彩備具前宋綾隔水

相趙字方印趙孟頫印松雪齋長印三印皆朱文後
宋綾隔水有朱文趙氏子昂天水郡圖書印本帖前
後舊印難辨後有米海嶽二題一元豐二年己未元
日貫道元章同觀二彭惠迪張觀國米黻熙甯丁巳
十一月廿一日寅亮存存齋同覽又寅亮勤中孟堅
冲道信道同觀元祐丙寅三月十六日鄞崇法院一
題又王覺斯一跋後相朱文節度使三大印文難盡
辨有元張疇齋三跋又趙文敏一跋書法精美云右
軍書傳世者蘭亭爲第一蘭亭刻本唯定武爲第一

然柯條枝葉蔓延而未已求其自本自根爲定武真
刻者余生六十有四又南北往來行幾萬里僅見兩
三本耳一在叔固丞相宅卽族兄子固所藏一在家
弟房近自吳興攜來都下見與一在譚崇文許三本
皆無小異余所得苦爲蝨所損叔固者因水泔糜潰
字畫小昏唯譚公所藏紙墨完整神明煥然當爲三
本之用云延祐四年歲在丁巳十月廿四日譚公攜
此過余大都咸宜坊寓舍因書其後吳興趙孟頫子
昂同觀者巴西鄧文原善之家弟孟頫子俊雪閒王

一初

此下

初 趙氏子昂朱文印

後

有後學劉致

拜手觀

又

袁桷元明善二跋

又

至順癸酉崔御史濬

尹郎中彬同觀岳至記

又

吳善楊文驄二跋

又

張疇

齋一長跋後款延祐改元閏三月晦前二日錢唐張

仲壽敬題于自怡軒後押仲壽等五印

又

疇齋一跋

款至治癸亥歲三月望日疇齋張仲壽敬題後押仲

壽疇齋等四印

後

趙文敏臨蘭亭序甚得神韻有烏

絲界欄前押朱文趙字方印下角有大雅朱文印斯

文下押朱文趙氏子昂天水郡圖書印後題月江學

士藏定武蘭亭致佳親友多乞之月江靳固不予顧
求臨本於不肖何耶皇慶元年人日過僕寓舍重以
此爲言不敢固辭援筆書以爲贈吳興趙孟頫記孟
頫二字上蓋朱文趙氏書印又後學劉致拜手觀後
張疇齋又臨蘭亭序有烏絲界欄前押疇齋張氏翰
墨白文印斯文下小字二行書至大己酉十一月廿
二日疇齋臨後有疇齋白文印又自題云以書名當
世者子昂一人而已僕近見彼臨蘭亭大不滿人意
暇日假月江學士定武本試對臨之非敢自眩使能

書者鑒觀必有公論在也至大二年歲在己酉十一

月廿三日疇齋張仲壽識後有全璫拜觀又至正間

洛陽王敬方一跋後文衡山小楷書一長跋有烏絲

隔欄款嘉靖戊午秋九月十有二日文徵明書時年

八十有九下押徵明朱文連珠小印後衡山又臨蘭亭序

題嘉靖戊午九月十有三日徵明臨時八十有九後

押文徵明印文仲子二印皆白文後嘉靖閒笠江潘

恩一跋並項墨林記其重裝年月又桐城相國與廣

陵張黃美同觀卷經項氏收藏世傳定武蘭亭五字

不損本有姜白石趙子固跋者名落水本又柴芑陳
繹曾跋者一本余皆見之一在虞山一在姑蘇皆不
似此本神氣完足至於紙質墨氣楊工與此無異此
本當爲第一

定武五字損本蘭亭卷

墨楊五字損本紙墨_淳古神氣煥然世稱名卷不虛
也前宋綾隔水有皇明宗室平陽世家等九印帖前
鈐樞字朱文印柯九思墨印長宜子孫等印本帖前
下角有一朱文舊印其文難辨斯文下有箕子之齋

朱文印其餘舊印模糊後綾隔水有世所希有朱文
印悅生葫蘆及封字大印後鈐鮮于朱文連珠印柯
氏敬仲等印卷中有嘉興沈氏玩古堂金石刻印審
定真蹟祕玩印柯氏祕笈印以及世外元賞曹氏廖
氏西邨居士等印卷中印記繁多有難辨者不克盡
錄後紙吳傳朋墨蹟題云右定武舊刻長安薛氏所
藏余政和丁酉歲倅郡次年移南陽薛氏子眩以此
贈行建炎己酉承乏鄉部遭里中之變已失復得錢
塘吳說傳朋題今觀此跋是知帖爲薛氏所榻且傳

朋小楷姿媚秀勁亦所僅見者後有朱敦儒錢選二
題又鮮于太常一題云蘭亭墨本最多惟定武刻獨
全右軍筆意此薛紹彭家所拓者不待聚訟知爲正
本也至元己丑三衢舟中書時過安仁鎮正月望日
後趙文敏十一跋並臨蘭亭序可謂神化矣後二跋

故以十三跋呼之每跋分押朱文趙氏書印趙字方
印趙氏子昂印天水郡圖書印以及接縫處朱文合
同印此跋並序快雪堂已刻石行世內河聲如吼一
跋刻本何以下無解日二字余嘗疑之卽見真蹟始

知遺謬諦觀文敏諸跋並序實趙書中奇品假如文敏再爲之亦以右軍書禊序不復如是也後紙柯敬仲跋云右定武禊帖字字飛舞具龍鳳之勢與造化同功不容贊美蓋右軍爲書法之至禊帖又右軍之至者真蹟既入昭陵惟定武克傳其神惜實藏千人閒者不多僕平生所見不啻數十百本真者三本耳李叔固丞相家所藏趙子固本也予家所藏得之喬氏仲山天厯閒上御奎章閣命取觀之識以天厯之寶命侍書學士虞公識其左還以賜之今觀曹世長

所藏乃故翰林承旨趙公故物也公家藏亦數本惟此爲真公寶愛終世未嘗去手公沒後世長以厚資購得之此所謂三本也若夫辨驗之法世多有其書故不論特識三本之真與流傳之緒耳至元二年後丙子歲十月廿六日奎章閣學士院鑒書博士柯九思書于雲容閣前有奎章閣鑒書博士白文印後押錫訓葫蘆印柯氏敬仲等印後又一題款書至元四年十有二月望丹邱柯九思重題下押丹邱柯九思章等印又至正閒永嘉李孝光觀又京口張經觀又徐

霖拜觀篆書

又

劉重慶識

又

江左毛敷古燕譚

又

霖拜觀篆書

楹晉陽周皋同觀廖守義拜觀
又廖守初一跋款正
德己卯冬季十日守初記小章草清韻不俗下押廖
氏守初白文印卷末董文敏題云蘭亭十三跋趙文
敏跋定武本兼臨本禊帖世當無第二本卽子昂重
書跋語當不若臨書巨細肥瘦了無異者余所見乃
有三本其一爲海上潘方伯所藏新都江太學以三
百千購之好事家相傳爲真物及觀此卷乃知其爲
葉公之龍也諸跋出入鍾元常出筆圓勁用墨沈着

雖學禊帖不規規摹倣形似所謂世人但學蘭亭面
欲換几骨無金丹者殆一洗此習氣證無上果矣至
於蘭亭無下榻此定武本是子昂贊歎譬喻重說傷
言口門恨窄宣說不盡者無待後人駢拇枝指矣天
啓四年四月廿五日董其昌跋下押董印其昌元宰
二白文印卷前徐霖篆定武蘭亭四大字用筆精妙
款書後學生徐霖熏沐敬題卷經馮涿鹿收藏世傳
趙文敏有題吳靜心禊帖十七跋蓋至大閒文敏北
上與此序並攜舟中爲跋者今竟無聞相傳維揚徽

友藏有文敏十三跋定武禊帖一本吳門顧維岳曾
見之云是俞紫芝所臨未見此本其語誠然維嶽蘇
州人精鑒賞弱冠與王圓照惲正叔王石谷輩遊如
季蒼葦高詹事宋商邱王司農諸公皆重之至耄年
與石谷相繼而逝彼時精於鑒別者有都門王濟之
江南顧維岳之稱

定武五字損本蘭亭卷

墨榻五字損本較前二卷紙質榻法無異然墨色晦
昧其中第七行如盛一觴一詠亦足以懷等字第十

四行如趣靜躁等字惜皆磨滅其餘幸神氣完足不失爲名卷本帖前後押有王芝喬氏等印後宋綾隔水上鈐天厯之寶朱文大璽下鈐喬氏張氏合章二印天厯璽下康里巉巉小楷書一跋後虞伯生跋云天厯三年正月十二日上御奎章閣命參書臣柯九思取其家藏定武蘭亭五字未損本進呈上覽之稱善親識斯寶還以賜之侍書學士臣虞集奉敕記跋皆書於綾隔水後紙有宋政和閒人論蘭亭詩記一長題楷書法唐人遒勁秀潤凡二十七行後書政和

改元七月癸酉籍寶直廬其月癸二字上蓋鳳閣王
氏朱文大印後押喬氏簪成白文墨印希世之珍朱
文印下押白文楊厚私印白文王芝私印又政和閒
人辯證劉鼎鄉何延之考蘭亭說一段甚爲精詳後
書政和辛卯天_雷日右序忠候之系書又政和閒公
達一題下有喬氏簪成陽文墨印希世之珍朱文印
楊氏君載朱文印後押元遺山三朱文印_{卷末}鮮于太
常題云右定武蘭亭王石刻甲余平生所見況有內
翰遺山先生圖記又可寶也大德改元三月廿日鮮

干樞拜手題後紙每接縫鈐喬氏張氏合章楊氏君
載朱文印按此帖乃五字損本余從一舊家得之上
有天厯之寶下有喬氏張氏半鈐印余借姑蘇繆氏
五字未損本校之毫髮無異知爲定武無疑逮後又
得卞氏五字未損一本雖五字未損然與定武本不
相類墨氣亦不古不知所自出第後有虞伯生康里
子山並宋人諸題宋綾隔水上押天厯半璽及喬氏
張氏合章半鈐印與此帖對之符合是知帖與諸跋
曾經散佚跋爲卞少司寇所有故取他帖配入以未

損五字呼之况虞跋五字未損之未字洗刮重易昭
然在目其以已字改者尤可辨證遂將卞本拆去以
原帖合之永爲全璧後見趙文敏十三跋定武本愈
知其爲正本且趙本柯跋有云自得喬氏一本元文
宗取入內府用天厯之寶命虞伯生書跋還以賜之
者卽此本不易也余幼時曾見真定相國家蘭亭圖
一卷云是何瑞畫宋仁宗臨序未有古楊蘭亭一帖
因目力苦短不敢定其真僞未及登錄後聞維楊一
徽友得去

宋楊宣城本蘭亭卷

墨榻本原裝宋摺裱今改橫卷前藍紙隔水上下鈐
珍祕翰墨清賞二白文印帖首鈐朱文晉府書畫之
印斯文下有坎離卦小圓印後墨刻一跋題云蘭亭
敘草右軍平生得意書後世書家必以爲法在唐如
虞世南輩皆嘗摹傳比來兵火之餘所存無幾今宣
城太守寶文趙介然聞宗人明遠有舊藏者因出而
觀之相與歎息謂真永興本也遂命工再勒于石使
流行四方庶幾翰墨之士復見字畫之妙紹興五年

三月庚寅元勛不伐論此帖紙墨皆佳字畫煥然宋

人定爲永興非也實定武精楊翻刻者其盛字小龜
形由字伸筆其中斷裂數處校定武無異趙介然未
考其詳故以永興目之帖末下角有珍祕白文印後
紙上押朱文敬德堂圖書印子子孫孫永寶用朱文
印宋丞相游似墨蹟題右宣城本四字下押游氏圖
書朱文印後藍紙隔水上鈐晉府圖書朱文大印下
鈐裴裱人趙氏孟林白文印

宋搨褚摹蘭亭卷

墨榻本原裝宋摺裱今改橫卷前藍紙隔水上下鈐
珍祕翰墨清賞二白文印帖首鈐朱文晉府書畫之
印序後墨刻米元章一題小行書十八行款壬午八
月廿六日寶晉齋舫手裝襄陽米芾審定真蹟祕玩
下押楚國米芾陽文印末上角鈐珍祕白文印後紙
宋丞相游似墨蹟題云右褚河南所摹與丙表第三
同但工有巧拙遠過前本爾後押景仁朱文印上押
朱文敬德堂圖書印子子孫孫永寶用朱文印後藍
隔水上鈐晉府圖書朱文大印下鈐趙氏孟林白文

印按此序墨蹟係絹上書在明曾經王鳳洲所藏今在松江王氏後有明季諸公題識相傳爲褚摹真蹟未及一見其丙褰第三一帖余曾得之與此校之無分毫差別然闕米跋其楊工果不及此已售之與人
宋楊玉枕蘭亭卷

墨楊本原裝裁爲四頁宋嵌摺裱今改橫卷嵌紙上押管氏腰圓白文印下押山邨朱文印蓋經趙文敏與仇山村所藏者帖首鈐押朱文晉府書畫之印後嵌紙上押朱文敬德堂圖書印子子孫孫永寶用朱

文印下押遜敏齋朱文長印後孫退谷題云右蘭亭敘玉枕本乃歐陽率更真蹟按唐文皇旣得蘭亭敘命侍臣趙模韓道政等摹之而以歐陽詢爲最詢又縮而小之爲玉枕本當時刻之禁中已極貴重後人稱爲定武者此刻也然大字本猶間有存者至玉枕本絕不可見宋景定間賈師憲曾命王用和翻刻大字本三年始成又令廖瑩中翻刻玉枕本世稱幾與定本相亂然傷於華倩視原刻如衆星之於斗也詎能亂乎此本古樸中饒有風骨與趙子固所藏姜白

石本無毫髮異不特盛字上有小龜形由字下之伸
筆痛字改筆不模糊列敘字行如勒鐵而知爲唐石
宋楊也舊在宋丞相游似大部中後入趙文敏仇山
村家皆精於鑑定者魯一先生酷好石墨趣與余同
今得此異寶其餘所藏如土苴矣退谷孫承澤敬題
時年七十有七後押孫印承澤白文印退谷逸叟朱
文印其後有吳正治黃機龔鼎孳三題此刻按桑澤
卿蘭亭博議玉枕本宋政和閒營繕洛陽宮闕內貴
客觀察見役夫作枕小石有刻畫乃王右軍蘭亭序

殘闕之餘止有五十一字筆勢清勁必唐人所臨近
時不能及也又明初王子充曾跋一玉枕本云蘭亭
帖自唐以後分二派其一出于褚河南是爲唐臨本
其一出于歐陽率更是爲定武本若玉枕本則河南
始縮爲小體或謂率更亦嘗爲之宋景定間賈氏似
道柄國凡蘭亭遺刻之在世者鮮不資其玩好此本
後有右軍小像且題曰秋壑珍玩其賈氏所重刻者
耶觀此二說是知孫跋亦有所由來第恐此帖爲賈
氏從定武本縮小翻刻者况桑澤卿云政和間唐石

已止存五十一字豈此本爲唐石宋榻耶其孫跋不足爲定評可知矣故及之

宋榻范度書蘭亭序卷

墨榻本原裝宋摺裱今改橫卷帖首鈐朱文晉府書畫之印序前二行書上巳日蘭亭曲水序晉右將軍王羲之文并書其序字大六分許筆法清健體勢從容雖不孜孜求其形似誠謂深得神妙內暮春之初下有會字崇山二字不傍注因字無改筆亦由今之視昔直接悲夫無塗抹二字斯文後楷書四行云古

本注崇山二字圍者乎二字正文三百廿四字元無
題目名銜今加之高平范度書上有朱文敬德堂圖
書印子子孫孫永寶用朱文印後藍紙隔水鈐敬德
堂書朱文印又鈐晉府圖書朱文大印下鈐趙氏孟
林白文印帖內有范一編號後墨刻宋人諸跋前藍
紙隔水鈐珍祕翰墨清賞二白文印上鈐朱文晉府
書畫之印跋有元豐閒呂公孺觀絳覽又韓絳子華
等題識紙末青城楊道堅刻後鈐敬德堂章朱文印
後紙游景仁墨蹟題右范忠文公之父大師所書東

坡熙甯閒所題已謂定武石取人禁中則世所傳薛
紹彭易元刻以歸後歸天上者已是別本矣溫公一
字公實亦於此可見云後押游似朱文印上鈐朱文
敬德堂圖書印子子孫孫永寶用朱文印後藍隔水
上鈐晉府圖書朱文印下押趙氏孟林白文印跋紙
中有范二編號

唐刻歐陽詢化度寺塔銘冊

墨榻本宋裱正書計二十一頁前書化度寺故僧豈
禪師舍利塔銘末後文至永謝重昏止冊前後有駙

馬李子祺圖書印及九思堂松柏軒春草堂等印其
空闕處所押舊印繁多難辨余所藏宋楊翻刻一本
校此本文多遺失且字畫版實而少風韻此冊紙墨
淳古的是唐刻原本宋榻無疑前李西涯墨蹟篆化
度寺碑四大字押李印東陽朱文印後元明諸名家
墨蹟題識有元大德閒嵩翁廬摯太原劉致時中醴
陵李應實仲仁觀于宣城寓居之疏齋又趙孟頫趙
世延周馳劉致歐陽元謝端康里巖揭傒斯張起巖
許有壬王理王沂諸公題識入明宋金華李西涯二

歐陽文忠公集卷之八

唐刻柳公權神策軍紀聖德碑

墨榻本宋裱正書計五十六頁字大寸半其碑微有剝落然字畫中鋒銳稜角儼然如新蓋當時刻於禁中少經捶搗也此本非五季卽宋初所搗真希有之蹟無首鈐押朱文晉府書畫之印翰林國史院官書朱文條記以及秋壑圖書朱文印碑文前書皇帝巡幸左神策軍紀聖德碑并序名銜書翰林學士承旨朝議郎守尙書司封郎中知制誥上柱國賜紫金魚

袋臣崔鉉奉勅撰正議大夫守右散騎常侍充集賢
殿學士判院事上柱國河東縣開國伯食邑七百戶
賜紫金魚袋臣柳公權奉勅書第後文至嘉其誠止
其上押晉府三印並鈐賈氏朱文封字印以及翰林
國史院官書條記考趙明誠金石錄始知此碑有上
下之分錄內第一千八百六十三號注有唐巡幸左
神策軍碑上又以小字注其下記崔鉉撰柳公權正
書會昌三年又第一千八百六十四號注唐巡幸左
神策軍碑下但此冊無會昌年號是知此碑裝爲二

冊今下冊無存其會昌年月必在下冊孫少宰跋謂
此碑趙明誠未之載誤矣冊後墨蹟有怪君何處得
此本猶有桓元寒具油柿葉齋主人一題字甚蒼勁
不俗或晉藩書少宰以爲鮮于太常筆非也前後有
孫氏諸印並其題語一紙附冊後

法書續錄

晉謝安八月五日帖

行楷書淡黃紙本不古

王羲之上虞帖

草書紙本

唐摹雨後帖

草書紙本唐摹有世南墨印

平安帖

草書絹本唐摹

遊目帖

草書

紙本唐摹

梁武帝異趣帖

草書冷金紙本甚佳筆勢雄偉然未敢許其為梁武

隋釋智永月儀帖

草書黃麻紙本小楷釋文紙墨經明昌御府所藏惜不全

唐歐陽詢行書千字文

紙本真本有王卿跋希有之蹟

褚遂良正書

倪寬贊

紙本裝為冊頁有趙子固元人諸跋

孫過庭草書書譜序稿

紙本

真上有宋祐陵題籤宣政小璽惜不全

李白上陽臺帖

草書紙短卷真後有瘦金書跋

及元人歐陽顏真卿正書自書誥

紙本真後有米元暉蔡君謨董思白

徐朗送裴將軍詩紙本字大小不一真草而兼篆隸

有曹武惠跋王元美家藏然未敢定其為真蹟唐摹右軍六帖草書紙本甚佳有宋高宗

璽五代吳越王錢鏐遠勞帖行書紙本甚佳有吳越國印紹興連珠印

然未敢必其為武肅書宋林逋白書詩五首書法真行相閒紙本真後蘇文

忠題詩王元美家藏范仲淹道服贊行楷書紙本真而精有文與可跋歐陽修

書集古錄跋尾行楷書紙本真王詵蝶戀花詞草書紙本

如新真而佳後有蘇蔡黃真蹟雖非原題宜續於後蘇軾西山詩行草書紙本真而精惜耿

氏印雜亂忘前赤壁賦行書紙本真春帖子詞行書粉草俗惡之甚

佳書九歌行書紙本真書淵明歸去來辭真書兼行紙本前金

書標題後
解縉題
黃庭堅正書陰長生詩紙本真原屬長幅

有明人
清公頌大草書絹本真
米芾天馬賦書紙本

真而精每按縫有蔡氏珍藏賈似道
印後有悅生葫蘆印秋壑圖書等印
樂兄札行草書

有董思
白印
秋夜詩大草書宋高麗紙本
五札冊行草書

本真而佳有毗陵
董氏印關九思印
臨習王羲之禊序白褚紙本項氏

末角有沈氏寶玩朱文印
後紙文衡山董文敏二跋
宋高宗臨黃庭經紙本真

貞
跋賜岳武穆手詔白紙本字大寸許
元趙孟頫書

濟禪師塔銘正書兼行紙本真而
楷書七卷蓮花經

紙本真而精第二卷
洛神賦行書紙本真而佳為張

己矢夏仲昭補之
清夫書本文紙後年獻

之書中峯勉學賦行書紙本真而精閒居賦行書紙本真有

曹秋白雲淨土詞行草書紙本臨智永真草千字文

紙本真有丁元吉張東海等跋又絹本千文二卷一行草書無跋一

東海大草書書嵇叔夜絕交書行草書絲絹本真無題識又絕交

書行草書紙本真不楷書道德經王穉登跋天冠

山詩行書紙本如新真衛宜人墓誌正書兼行紙本

臨石軍十七帖黃紙本真無跋又十七帖白紙本真而精有

止存二馮子振居庸賦高頭長卷行書紙本文氣雄

十條精後宋廉班惟志真草千字文紙本真俞和臨十七

鄭元祐題

帖

粉箋本精而真有臨蘭亭帖黃箋本真而精項子京記其價值

明祝允明草書千字文

藏經紙本真而佳無跋

董其昌正書

金剛經

白鏡面箋本真摺冊裱

行楷書千字文

白鏡面箋本真而精

墨緣集觀錄卷二

譚瑩玉生覆校